

جلوسے لشکراں کی ریتاں

وَسَلِّ عَلَى سَيِّدِنَا مُحَمَّدٍ
وَعَلَىٰ آلِهِ وَصَحْبِهِ أَجْمَعِينَ

پیر سید ناصر حسین سیالوی

جلوے لشکاں کمرناں

پیر سید ناصر چشتی سیالوی



نورین رضویہ پبلی کیشنز

۱۱۔ گنج بخش روڈ - لاہور



مَوْلَانِي صَلِّ وَسَلِّمْ دَائِمًا أَبَدًا
عَلَىٰ حَبِيبِكَ خَيْرِ الْخَلْقِ كُلِّهِمْ
مُحَمَّدٍ سَيِّدِ الْكَوْنَيْنِ وَالْقَلْبَيْنِ
وَالْفَرِيقَيْنِ مِنْ عَرَبٍ وَمِنْ عَجَمٍ

صَلَّى اللَّهُ عَلَى النَّبِيِّ وَالْآلِ الْأَوْفِياءِ بِأَرْزُقِ وَسَلِّمْ

حمد باری تعالیٰ

قسمت اور تقدیر میں اللہ	لفظوں کی تاثیر میں اللہ
کعبے کی تعمیر میں اللہ	عمر کی ہے تعزیر میں اللہ
عثمان کی تحریر میں اللہ	حیدر کی تقریر میں اللہ
شبر اور شبیر میں اللہ	علی اصغر کے نیر میں اللہ
عابد کی زنجیر میں اللہ	قرآں کی تفسیر میں اللہ
مرشد کی تصویر میں اللہ	ناصر ہر دم اللہ ہی اللہ
نعرۂ تکبیر میں اللہ	

نعت شریف

عاشق کی تکرار مدینہ	اپنی فقط پکار مدینہ
سوچوں کی رفتار مدینہ	شاعر کے اشعار مدینہ
پھولوں کی مہکار مدینہ	سانسوں کی جھنکار مدینہ
دھیوں کا غمخوار مدینہ	شہروں کا سردار مدینہ
جنت کی گلزار مدینہ	آقا کا گھر بار مدینہ
ہے صدیق کا یار مدینہ	عمر جری کا پیار مدینہ
عثمان کا دلدار مدینہ	حیدر کا اسرار مدینہ
قدرت کا شاہکار مدینہ	عشق کی ہے پرکار مدینہ
ہے بس پر انوار مدینہ	ناصر روز دعائیں مانگے
دیکھوں لاکھوں	بار مدینہ



جس دم چلدا سینے اتے درد غماں دا تیشہ
تتے ہو کے بھردیاں رہناں بن جاندا اے پیشہ
ناصر اک سکھ آون نہ دیوے ظالم درد اندیشہ
اک عاشق اک وچھڑیا بلی روندے رہیں ہمیشہ



قدر شناس جے ہندے مصری کیوں مل یوسف لیندے
اٹیاں سکیاں دی تھانویں اوہ سر نذرانے دیندے
محبوباں دے حسن دے مٹھے چند قربان کریندے
ناصر عشق وپاری جیہڑے گھاٹیاں ول نہیں وہندے



عاشق دا کم یار دی راہ تے جھاڑو دیندا وتے
ذکر دا چرخہ ڈاھا کے ہر دم اک اک پونی کتے
صبر دی نیں تے شکر دا کوٹھا آہواں بھر بھر چھتے
ناصر جس تے ماہی راضی اوہنوں خیراں ستے



ایہہ دی شان حبیب میرے دو جگ دا سرمایہ
انا اعطینک الکوثر جس دی شان اچ آیا
بے سایہ خود ہو کے اس دا دو جگ اُتے سایہ
جیویں سوہنے چاہیا ناصر رب نے اونویں بنایا



جس دیاں قسماں کھا کے جنوں خود رب نے وڈیا
 زلف جھدی وایل بنا کے مکھ والفجر بنایا
 اپنا آپ تعارف رب نے خود جس توں کروایا
 سورج واپس پلٹیا ناصر جد سوہنے فرمایا



ایہہ وی شان حبیب میرے دی سینہ نور دی کان ایں
 اہدے لئی سب کھیڈاں بنیاں کل عالم دی جان ایں
 سچ فرمایا مہر علی نے اوہ تے رب دی شان ایں
 ناصر دے شان کیہ اہدی خلق جہدا قرآن ایں



ایہہ وی شان حبیب میرے دی ہر اک عقدہ کھولے
 اوہ دوزخ دا بالن بن دا شان اہدی جو تولے
 اک اک مٹھ بول بجن دا منہ وچ مصری گھولے
 ناصر اہدے صدقے جس دے بولن وچ رب بولے



ایہہ وی شان حبیب میرے دی سب دے عیب لکھو دے
 چن اسمانی لک لک جاوے اہدے سامنے جدوں کھلو دے
 ناصر خشک کھجور دی لکڑی جس دے ہجر اچ رو دے
 جو آکھے رب ٹالے ناہیں جو چاہوے سو ہو دے



ایہہ وی شان حبیب میرے دی نثر ح سینے والا
 جیہڑا ونڈیاں مک نہیں سکدا اوس خزینے والا
 جس دی ریس کرے کستوری اوس پسینے والا
 ناصر فقط سہارا میرا شہر مدینے والا



ایہہ وی شان حبیب میرے دی توڑ نبھاون والا
 شہر مکے وچ آون والا عرش تے جاون والا
 اجڑے پجڑے باغاں اندر پھل مہکاون والا
 ناصر نال اشارے چن نوں کول بلاون والا



میں کوچھا بیکار کوچھا کملاتے دیوانہ
 عیاں بھریا سب توں ماڑا ناں کوئی کول خزانہ
 فقط سہارا پاک نبی دا نہیں کوئی ہور ٹھکانہ
 ناصر مدد کرے گا میری پیر حسین دا نانا



اللہ ای جانے ویکھیا کیوں کالیاں زلفاں والے
 سوہنیا سوہنیا توں وی تک کے نہیں جاندے قدم سنبھالے
 اک واری وی جس دے گھر وچ کردا آن اجالے
 جاندی واری لے جاندا اے ناصر دل وی نالے

○
 شہر مدینے والیا سجناں پا اک کرم دا پھیرا
 ابو ایوب دے وانگوں کر جا میرا بھاگ اجیرا
 جے پئے جاوے گھر وچ میرے قدم نورانی تیرا
 سر جانا ایں اپنی گل وچ ناصر بتہ میرا

○
 لبھدیاں پھرن اے اوہ منظر کرماں والے اکھیاں
 جس ویلے محبوب دے درتے کیتے نالے اکھیاں
 دیوے بال کے پلکاں اتے کرن اجالے اکھیاں
 ناصر کون بجھاوے جیہڑے بھانبر بالے اکھیاں

○
 ساڈی جنت باغ بہاراں وچ محبوب دے پیراں
 لے گئے بازی یار دے منگتے کجھ ناں کھٹیا غیراں
 جہناں قدم سخن دے چم لے کرن فلک دیاں سیراں
 ناصر چاہناکیں خیر جے اپنی منگ دلبر دیاں خیراں

○
 دور سخن توں رہندے جیہڑے کم عقلے بے ڈھنگے
 فکر اندیشے دی سولی تے ہر دم رہندے ٹنگے
 کیڈا اوہ بدبخت ہے جیہڑا خیر نہ یار دی منگے
 ایسے بندے کولوں ناصر کتے بلے چنگے



اج ناں خالی موڑیں سانوں دکھیاں دے دم سارا
میرے عیب گناہاں دا مینوں ماسہ نہیں اندازہ
میرے وی آج درد مکا دے عرش دیا شہبازا
ناصر مردیاں تک نہیں چھڈنا ایہہ ترا دروازہ



مالک رہوے نراض جیدے تے اوہ کیوں مہندی لاوے
ناں اوہ کجلا پاوے ہرگز ناں ای سیس گنداوے
قسمت والی بہہ کے ڈولی سوہرے گھر نوں جاوے
ناصر اوہو سہاگن جیہڑی اپنے خصم نوں بھاوے



چھڈ دے جھوٹھی دنیا بچناں رہو دلدار دے نیڑے
دلوں مکائیے تہ مکدے نہیں سارے جھگڑے جھیرے
گوتے کھان اوہ کنڈ کردے نہیں یار ملاحاں نوں جیرے
ناصر یار ملاح جے ہووے مڑ نہیں اڑدے بیڑے



کر مرشد دی سیوا تینوں ایہہ دنیا بھل جاوے
فقر نوں یار بناون والا کدی نہ دھوکھا کھاوے
ہسن والا بندہ اکثر رو رو کے پچھتاوے
اوہ کیوں ہسے ناصر جنوں ہاسہ راس نہ آوے



کٹ کٹ چوری پاواں اونہوں جدوں بولے گانگ بنیرے
آ جاوے آج ماہی شاید دکھ مک جاون میرے
کدی اڈیکاں بال کے ڈیوے کدی ماراں واج سویرے
ناصر دید لئی کرنے پیندے ٹونے جتن بھیرے



رو رو داغ فراق تیرے دے دل توں دھوندا وتاں
تیرے باہجوں لکھاں وانگوں ہولا ہوندا وتاں
ناصر لے کے اکھ مے موتی ہار پروندا وتاں
جے کر رُنیاں ملدائے ماہی شالا روندنا وتاں



جیہڑے نیویں نیویں ہو کے در سبھاں دا لنگھے
اس دروازے اچی بولن توں وی جیہڑے سنگے
جیہڑے قسمت والے جاندے عشق دے رنگ وچ رنگے
ناصر دوہیں جہانیں رہ گئے اوہ دیوانے چنگے



عشق اچ رونا عین عبادت جو روے پھل پاوے
روون نال وفا دے بوٹے رہن ہمیشہ ساوے
جو روے دل دھوے اپنا دلدا زنگ لٹھ جاوے
رون والے دے گھر ناصر اکثر ماہی آوے



آ عشتا باہناں پھڑ لے میری رل کے وسیے دونویں
 جیویں ملیا بوسیری نوں یار ملا دے اونویں
 اک واری تے کہہ دے مینوں شالا کدی نہ رویں
 اونہوں کیہڑے گھائے ناصر جس دے کول توں ہوویں



آ دردا رہو سینے اندر تینوں میں مہمان بناواں
 آپ رلاں میں وچ گلیاں دے تیری اچی شان بناواں
 جگر کلیجہ پیش کراں میں انج دستر خوان وچھاواں
 تو ماہی دا درد ایں ناصر تینوں اپنی جان بناواں



جان بنا کے تینوں اپنی ترے دردا ناز اٹھاواں
 پلنگھ وچھا کے دل اپنے دا تینوں رتجھاں نال بٹھاواں
 کر کے عرق کشید اکھیاں چوں تینوں بھر بھر جام پیادواں
 ناصر ایہو دعائیں دیوے توں جیویں میں مر جاواں



توں جیویں میں مرجاں شالا اتے جیون یارا ساڈے
 جیہڑے سانوں کول بلا کے ٹر گئے آپ دراڈے
 ہر گل بس منواندے اپنی اک ضدی اک ڈاہڈھے
 ناصر لاڈیاں سجناں بخشے سانوں درد دی لاڈے



بولی بول بجن دی جھلیا گیت بجن دے گا توں
 جے دلدار نوں راضی کرنا میں بلے وانگ منا توں
 محبوباں دے پیر دے جوڑے سردا تاج بنا توں
 جے دیوے جگ طعنے ناصر ہس ہس جھولی پاتوں



اک در چنگا سو در نالوں در در توں کیہ لیناں
 کنڈ پچھے ہر شے نوں کر کے من دلدار دا کہیاں
 تسبیح اتے نام بجن دا ناصر پڑھدیاں رہنیاں
 سب توں وڈی یار عبادت یار دے قد میں ڈھیناں



یا رب فضل تیرے دا منگیا تیتھوں خیر کینے
 دیس وکھا اوہ تلیاں لایاں جتھے ڈھول گکینے
 ایہو حسرت ہا ہواں بھر دی رہندی اے وچ سینے
 دیوے رب توفیق جے ناصر مرے شہر مدینے



اہدے درد وچھوڑے ماری سینے دے وچ سانگ اے
 ڈنگدا رہندا لوں لوں میرا اہدے ہجر دا نانگ اے
 ہن تے دل نوں لگی رہندی ہر دم یار دی تاجنگ اے
 اہدے باہجوں ناصر شاہ دا حال فقیراں وانگ اے



آ دردا اک رات تے رہ جا آہن ساڈے ولے
 لنگھدا لنگھدا جھاتی پا جا ساڈے شہر محلے
 لبھدے لبھدے در دی کوئی اسیں ہو گئے کملے جھلے
 ناصر اکھ دیاں سک گھیاں جھیلاں اتھرو وی رس چلے



فقر فقیر دا اصلی گھنیاں فقراں نے جگ تارے
 باجھوں فقراں رب ناں ملیا ٹونے کر کر ہارے
 فقر وصال دی پنکھ تے ناصر ہر دم لین ہلارے
 کلدے ہتھ تمامی رہ گئے دولت والے سارے



کھلا فقر دا میخانہ تے جو چاہوے آپوے
 فقراں باجھ دلاں تے لگے کوئی زخم نہ سیوے
 جو کجھ اندر ہووے یارو باہر پیا دیسیوے
 سچ فرمایا باہو ناصر قبر فقیر دی جیوے



رب دی ٹوہ تے نکلے لکھاں لکھ لکھ بدل پرہیوا
 پادری ملا راہب سادھو لا تھکے ہر ٹیوا
 ہر دی پہنچ توں باہر رہیا یار دے وصل دا میوہ
 ناصر شاہ رب اوہنوں ملیا جس کیتی یار دی سیوا



تینوں سمجھ نہ آئی کم عقلا توں باہر ٹول دا رہیا
 عقل دی کبشتی اتے چڑھ کے ہر دم ڈولدا رہیا
 تیری حبیب اچ لعل سی جھلیا گھر غیر دا پھول دا رہیا
 ناصر جس لئی جنگل چھانے میرے اندر بول دا رہیا



اکھو نی آؤ دونویں رل کے رٹھڑا یار منائیے
 یا محبوب نوں راضی کریئے یا صدقے ہو جائیے
 غیراں دے دروازے اندر پیر کدی ناں پائیے
 ناصر جس دا کھائیے اُس دے گیت ہمیشہ گائیے



ماہی دے دیدار دے بارے فقط سوچندے رہیے
 لا کے سینے درد ناہی دا پلکاں بھیندے رہیے
 وچ تصور یار اپنے دا چہرہ دہندے رہیے
 بچاں دے دروازے ناصر جھاڑو دیندے رہیے



تاہی جیویں افلاک تے سجدے نیں ہیرا جیویں خزینے وچ سجدا اے
 مہکے پھلاں دے اندر گلاب جیویں جمعہ جیویں مہینے وچ سجدا اے
 اللہ پاک دا پاک قرآن سارا نبی پاک دے سینے وچ سجدا اے
 ناصر کوئی نہیں بجیا اج تیکر جیویں سوہنا مدینے وچ سجدا اے



ایہو گنڈھ نہیں کھلی سیانیاں توں سوہنا آر وسدا یا کہ پار وسدا
ہر اک سہنے وچ اے یا مدینے وچ اے کھیڑے شہر اندر شہر یار وسدا
لے کے عرش توں توڑ پاتال تیکر جدھر دیکھے آپ دلدار وسدا
عشق بولیا رولنا نہ پائیں ناصر اوہ بے حد اے خداں توں پار وسدا



سچے رب نے ہفت اقلیم خلقے ہے لاریب اوہ حور و قصور دا رب
جیہڑا موسیٰ لئی بولیا رکھ وچوں بولیا وچ منصور منصور دا رب
اہدے وچ نہیں ماسہ وی شک ناصر ہے اوہ ہر مختار مجبور دا رب
کہندار رب نوں رب نہ کوئی اتھے جے اوہ ہندا نہ ساڈے حضور دا رب



جویں آکھیں سوہنا اونویں ہوسی سوہنے نال ایہ اللہ دی گل ہو گئی
جس دم رات معراج دی رل بیٹھے ساڈی بخشش ہڈوں اٹل ہو گئی
سوہنے پیڑ منائی اساں دکھیاں دی ساڈے منہ دی سرخی دل ہو گئی
ناصر مار اپٹھیاں ہن چھالاں ساڈی حشر اندر بل بل ہو گئی



پیار والیاں پیار دا درس دتا فصل نفرتاں دی اساں گڈی کوئی نہیں
ہوئے جیہڑی گستاخیاں وچ شامل منہ چوں کدی آواز اوہ کڈھی کوئی نہیں
جم جم نعت حضور دی لکھ ناصر اس توں ہور سعادت وڈی کوئی نہیں
ایہہ وی یاد رکھیں نعت کہن لکیاں کسر مولا کریم نے چھڈی کوئی نہیں



زلف نبی دی دیواں مثال کبھری کتھے رات تے زلف دوتا کتھے
کتھے ماہ کنعان بتے چن سورج پر انوار مکھڑا والھی کتھے
کیویں منا جبریل استاد اہدا سدرہ کتھے تے عرش خدا کتھے
ناصر ناز تے نیاز دا جوڑ کوئی نہیں جبرائیل کتھے مصطفیٰ کتھے



لے کے ڈاک حضور دی اون والا اوہ نہیں نبی دے اعلیٰ شعور ورگا
میرے نبی دے سامنے انج لگدا جیویں ہے جبریل مزدور ورگا
سدرۃ المنتہی تے کیوں رکیا ہے سی جے سرکار دے نور ورگا
توڑ و توڑ حضور دے نال ناصر چلا جاندا ہے ہندا حضور ورگا



کھڑیا ہویا جے کوئی گلاب دیکھو مصطفیٰ دے پسینے دی بات چھیڑو
جیہڑے پیرے چہرے چوں رب دے ایسے پاک آئینے دی بات چھیڑو
پڑی ایہو سکون دی ہے ناصر ربیع الاول مہینے دی بات چھیڑو
ساہواں آخری ہین بیمار دیاں چھیتی کرو مدینے دی بات چھیڑو



بھنور خود دی جھتوں پناہ منگ دے ایسے کتر چوں مرے نصیب گزرے
موت زیست اندر کشتی رہی جاری میرے اتے حالات عجیب گزرے
یک دم شہر مسیحا چوں آئے جھونکے ہو کے انج دی میرے قریب گزرے
آیا چین تے ہویا محسوس ناصر دل دی گلی چوں جیویں حبیب گزرے



سہرا طہ دا گھلے رب سوہنا تیری پاک جہیں تے سجدا اے
 حَمّ دا کنڈل ہلاریاں وچ آ کے رُخ یسین تے سجدا اے
 ناصر شاہ ایہہ سب تسلیم کر گئے حیدر گھوڑے دی زین تے سجدا اے
 ایناں عرش افلاک تے سجدا نہیں جیویں طیبہ زمین تے سجدا اے



چپ وٹ کے بہہ گیا کئی واری چپ رہن دیندے اے پر لوگ ہے نہیں
 روندہ رہنا واں سوہنے دی یاد اندر کسے غیر دا دل وچ سوگ ہے نہیں
 اپنی مستی وچ نعتاں سنائی جانا گو میں جان دا سندھڑا جوگ ہے نہیں
 جیویں حق اے کرے بیان ناصر ایہہ تے کسے دے وں دا روگ ہے نہیں



دوہاں عالماں وچ ابدی جگہ کوئی نہیں چنگا کھا کے جو بول دا منہ ہووے
 اوہنوں دین سلامیاں دونویں عالم جیہڑا اپنے یار دا بندہ ہووے
 ابدے نام تھیں ملے رہائی فوراً بھاویں گل وچ پھانسی دا پھندہ ہووے
 ناصر سینے اوہ اوہنوں وی لا لیندا جیہڑا سارے جہاں توں گندہ ہووے



جھگی والے دی قدر اوہ کیہ جانے بیٹھا رہندا اے جیہڑا چوبارے اتے
 مجنوں اک ہندا باقی لوک سارے بیٹھے رہندے نیں چوری دے لائے لے لے
 سکھ لے سبق پتنگاں توں عاشقی دا سڑے شمع دے اک لشکارے اتے
 ناصر شاہ ہوئے اوناں دے پوں بارہ بیٹھے رہن جو اکے دوارے اتے



ذرا دس خاں سور جا کیوں تینوں کملی والے حبیب نے موڑیا سی
قسمت والا ایں کعبا بتاں کولوں کر پاک حضور نے چھوڑیا سی
آ کے ناصر نوں چناں سنا تے سہی تینوں کیوں لہچال نے توڑیا سی
لوکی پیراں دی خاک نوں سکدے نیں تینوں دست ید اللہ نے جوڑیا سی



پانی اندر مدھانی دا فائدہ کیہ ایویں پانی نوں رڈکنا چاہیدا نہیں
لا کے سچیاں نال پریت سچی ثابت رہیے فیر تھڑکنا چاہیدا نہیں
جیہڑے شیشے وچ سوہنے دا عکس ہووے اوس شیشے نوں تڑکنا چاہیدا نہیں
بھاویں یاز دی گلی دا کتا ہووے ناصر اوہنوں دی جھڑکنا چاہیدا نہیں



رک جا تیرا قضا دیا چند گھڑیاں پچھے رَج رَج کے مینوں لٹی جاویں
صرف دید محبوب دی کرن دے توں پھرتوں زندگی دا بوٹا پٹی جاویں
اے ہوائے مدینے دا واسطہ ای چھیتی مار کے طیبہ دل جھٹی جاویں
اوندی وار مدینے چوں خاک لے کے ناصر شاہ دی لاش تے سٹی جاویں



مرے ورگاتے او گنہار کوئی نہیں جدوں ہتھ بندھ کے اعتراف کیا
اوس ویلے سرکار نے کرم کر کے عیاں میریاں دا کھاتہ صاف کیا
بار بار کوچے کوچے کیے بار بار لہچال نے معاف کیا
کئی وار تصور دے وچ ناصر روضے پاک دا جا کے طواف کیا



بڑی شان ایں کعبے دی منیاں ایں کعبے وچ تے باہجھ خدا کوئی نہیں
کعبے ول پر ہر کوئی جا سکدا اوتھے کوئی تخصیص روا کوئی نہیں
اچا ایس لئی کعبے نوں دل ہندا ایتھے مطلق غیر دی جا کوئی نہیں
اکو دل اے ایسا مقام ناصر جہدے وچ محبوب سوا کوئی نہیں



اہدے عشق دی روشنی نال لے کے پا جگ وچ اپنی دھم لینا
اہدے پیار پریت نوں اوڑھ کے تے مار عشق حبیب دی جھم لینا
اکھاں بند کر کے نیویں دھون کر کے نقش قدم حضور دا چم لینا
ایسے مستی دے عالم دے وچ ناصر اہدے شہر دیاں گلیاں گھم لینا



ہر نماز اچ التحیات اندر بہہ کے میں غم خوار نوں ویکھ لینا
جس دم لبیاں تے آوے سلام میرے اکھاں نال سرکار نوں ویکھ لینا
جے میں چاہواں تصور دے وچ اکثر اہدے پاک دربار نوں ویکھ لینا
ناصر کدی میں سوہنے نوں دیکھنے لئی اہدے کسے دلدار نوں ویکھ لینا



ناتا نال حضور دے جوڑ اپنا کسے قیمت تے جیہڑا ٹٹ دا نہیں
جیہڑی جگہ تے ذکر حبیب ہووے ڈاکو اوس مکان نوں لٹ دا نہیں
دل دی کیاری وچ عشق دا لا بوٹا قبر وچ دی جنہوں کوئی پٹ دا نہیں
بھاویں کلی دا ککھ نہ رہوے ناصر ساتھوں دامن حضور دا چھٹ دا نہیں



کے گیاں تے کدی نہیں گل مکدی جے کرمنوں مکائیے تے گل مکدی
 حرم پاک دے چم کے پتھراں نوں طیبہ شہر ول جائیے تے گل مکدی
 تیرے میرے تے ون دی گل کوئی نہیں سچے سنگاں نال لائیے تے گل مکدی
 ناصر در در ٹھوکران نالوں اکے بوہے بہہ جائیے تے گل مکدی



دتی ہے سی قربانی حسین جیہڑی اہدے صدقے شہیداں دی گل بن گئی
 کرم ایسا بغداد دے پیر کیتا سارے پیراں مریداں دی گل بن گئی
 آیا ناں حضور دا لبان اہتے کل عنواناں تمہیداں دی گل بن گئی
 چڑھیا عید میلاد دا چن غاصراج توں عیداں بقریداں دی گل بن گئی



اقصی وچ امامت مصطفیٰ دی خوش نصیباں اماماں دے کم آ گئی
 عاصی امت لئی غاراں دے وچ زاری سبھے خاصاں تے عاماں دے کم آ گئی
 طیبہ شہز دی مست شراب یارو خالی محفل دے جاماں دے کم آ گئی
 اوہدی کملی نرالی دی چھاں ناصر میرے ورگے غلاماں دے کم آ گئی



ملے جگہ محبوب دی نگری وچ تاجاں تختاں تے لعلوں دی لوڑ کوئی نہیں
 اوتھے بلا تخصیص خیرات ملدی سانوں اوتھے دلالاں دی لوڑ کوئی نہیں
 مکدی گل اے بختاں وچ پھنسا کیہ اتھے وہاں خیالاں دی لوڑ کوئی نہیں
 بعد رب دے اوہ وڈا اے ساریاں توں ناصر اتھے مثالاں دی لوڑ کوئی نہیں



ایہہ قرآن کیہ اے اہدا تذکرہ اے خلق پہلواک اہدے کردار دا اے
جنت کیہ اے پچھو دیوانیاں نوں عکس آپ دے پاک دربار دا اے
کہکشاں کیہ اے منظر اے ناصر اہدے جوڑے دے گرد و غبار دا اے
لا مکان کیہ اے پہلا دیں اہدا بخشش ناں سرکار دے پیار دا اے
زہد کیہ اے سرہانہ حضور دا اے تقویٰ کیہ اے پچھونا حضور دا اے
سورج کیہ اے ذرہ مدینے دا اے چن کیہ اے کھلونا حضور دا اے



کرم کیہ اے سہرا کریم دا اے رحمت کیہ اے جھولی حضور دی اے
حج نام ہے روضے نوں دیکھنے دا روضہ کیہ اے ڈولی حضور دی اے
حسن کیہ اے گولہ حضور دا اے دولت کیہ اے گولی حضور دی اے
ناصر فقر کیہ اے اہدا خاص گہنا علم کیہ اے بولی حضور دی اے



حکمت کیہ اے کنش بردار اہدی درس امن پیغام حضور دا اے
ہے امام الکلام کلام اہدا موجب سکھ دا نام حضور دا اے
دوزخ گڑھا اے اہدے گستاخ دے لئی تے فردوس انعام حضور دا اے
جے کوئی پچھے انصاف تے عدل کیہ اے دنیا اتے نظام حضور دا اے
جے نماز ہے اللہ دی اے ناصر تشہد کیہ اے سلامی حضور دی اے
ہے اسلام سلامتی مومنوں لئی تے ایمان غلامی حضور دی اے



حسن کون این علم حضور دا اے تے شبیر وی قاری حضور دا اے
 اہدے حسن دا سمجھ لو تل اوہنوں جو بلال درباری حضور دا اے
 تے حسان دا پتہ جے کچھ دے او نعت خوان سرکاری حضور دا اے
 جے کوئی کچھ کہ دوزخی کون ہندا میتھوں کچھو انکاری حضور دا اے
 اہداج صدیق دے روپ وچ اے عمر کون این قاضی حضور دا اے
 ذوالنورین ہے ناصر حیا اہدا حیدر کون این غازی حضور دا اے



ساری عمر دی کشی کماںی اپنی کیتی اج شیطان تباہ بیٹھائے
 اوہناں کولوں وی پئے گئے سوں ہتھ دھونے لگے جہناں نوں کرگمراہ بیٹھائے
 ادھر قسمت حلیمیاں دی جاگ پئی اے سوہنا اہدے ول کیتی نگاہ بیٹھائے
 ناصر چال اسواری دی دس دی اے اہدے اتے کائنات دا شاہ بیٹھائے



سینے لاؤندا اے کیوں محبوب آ کے اوہدی یاد دے درد سہیڑ کے دیکھ
 منزل اتے پہنچاؤنا کم اہدا گڈی عشق محبت دی ریڑ کے دیکھ
 لگدا آس دی کیمھتی نوں پھل ویکھیں کھوہ اکھاں دا دوستا گیر کے دیکھ
 مزہ ناصر جے چکھناں ای زندگی دا کدے ذکر حضور دا چھیڑ کے دیکھ



زمیں ساری نوں فرش بنا چھڈیا سائبان تمام آسمان بن گئے
 تارے مرچاں سورج تے جن ٹیوباں غوث قطب سارے نعت خوان بن گئے

اک لکھ تے کئی ہزار مرسل خطبہ دین لئی شیریں لسان بن گئے
منتظم ملائکہ عرش والے سامعین کرام انسان بن گئے
بنیاں خود جبریل نقیب آ گئے ناصر ہر پاسے جلوہ طور دا اے
جد میں پچھیا ربا ایہہ گل کیہ اے اوہنے کہیا میلاد حضور دا اے



بوٹا پٹے ناں جیہڑا تاریکیاں دا ظلمت کرے نہ دور آفتاب کاہدا
آوے مہک نہ جہدے چوں پھل کاہدا کنڈیاں وچ نہ کھڑے گلاب کاہدا
مزے نیند وچ دیوے ہزار بھاویں کھلے اکھ جے رہوے تے خواب کاہدا
کشتہ ہویا جو عشق رسولی اندر لینا اہدا نکراں حساب کاہدا



دھون چکے گا جتھے فرعون کوئی وجدا او تھے کلیم دا ڈنڈا رہناں
جانے ٹٹ ترازو تے باطلاں دے اکوٹھیک اسلام دا کنڈا رہناں
جنی دیر نے آقا زمین اتے ادوں تیک ہے دوزخ وی ٹھنڈا رہناں
ہونے سرنگوں پرچم ساریاں دے اچا ناصر حضور دا جھنڈا رہناں



اہدی زلف نوں چھو کے ہوا لنگھی جتھوں گزری چمن نکھار دی گئی
وٹ دی گئی مہکار دے اوہ تحفے کلی کلی دا چہرہ سنوار دی گئی
اہدے لبہاں چوں جدوں دعا نکلی تالے دوزخ دے بوہے نوں مار دی گئی
جس دم یاد آئی ماہ طیبہ دی ناصر سینے غلاماں دے ٹھار دی گئی



مرے نبی دی شان کیہ پچھنا ایں شافعی یوم النشور دا آکھدے نیں
 دیہاڑے ازل توں آج تک جو ہویا فیض اہدے ای نور دا آکھدے نیں
 میتھوں سنگیوں پتہ کیہ پچھدے او مینوں اپتلا قصور دا آکھدے نیں
 ایناں پتہ اے ناصر نوں لوک سارے نعت خوان حضور دا آکھدے نیں



جے نہ لوح محفوظ دا پتہ ہووے اسی اوس پرواز نوں من دے نہیں
 جہد اپیر نہیں آپ دی پیروی تے بالکل اہدے اعجاز نوں من دے نہیں
 جیہڑا دے نہ عشق دی نلے اہتے ایسے کسے وی ساز نوں من دے نہیں
 جہدے ونج نہیں اہدا خیل ناصر اسیں اوس نماز نوں من دے نہیں



جیہڑے سینے ونج عشق حبیب دا اے اللہ تائیں اوہ سینہ پسند آیا
 اقصیٰ اندر امامت لئی انبیاء نوں صرف عربی گنہ پسند آیا
 عطر پھلاں گلاب چنبیلیاں توں اوہدا نوری پسینہ پسند آیا
 بڑے بڑے زمانے ونج شہر ڈٹھے ناصر مینوں مدینہ پسند آیا

عجب

محبوب خدا دے بول عجب
 اوہ جد بولے قرآن بنے
 اہدی ہر ساعت ہر پہر عجب
 جہدی خاک فرشتے حمد دے نیں
 اہدی زلف دو تا خم دار عجب
 اہدی ناصر کیہ تعریف کرے
 ہے دو جگدا محبوب عجب
 ایہ تے ناصر ہر کوئی من دا اے
 سرکار عجب سردار عجب
 بے مثل ہے گلشن سوہنے دا
 صدیق عمر فاروق عجب
 ذیشان عجب اہدی شان عجب
 جہدے کولوں نعتان سن دے سن
 اہدے خلق دی اے تلوار عجب
 جبریل جے اہدے چاکر نیں
 اہدی گل گل تے سر دیندے سن
 اوتھوں ملدا اے جیہڑا چین عجب
 کتے او ادنیٰ سبحان اللہ

کیہ ناصر کولوں پچھ دے او

زہرا " وی عجب حسنین عجب



لگے ہوئے سن جیہڑے جہالتاں دے مرے نبی نے کل ای بدل دتے
 بن پئے سن جیہڑے ہنریاں وچ مصطفیٰ نے بل ای بدل دتے
 کر دے پئے سن صرف جو غلط پاسے کر کے کرم اوہ ٹل ای بدل دتے
 صرف صورتاں بدلیاں نہیں ناصر کملی والے نے دل ای بدل دتے



جے مظلومو انصاف نوں بھال دے او ملنا عربی دی بارگاہ وچ اے
 اوہدے نیڑے کوئی چیز نہیں آسکدی جیہڑا آ گیا اہدی پناہ وچ اے
 یارو بھلا بے درداں نوں کی خبراں جیہڑا مزہ اک دردی آہ وچ اے
 جو وی کم کائنات وچ ہو رہیا اے کملی والے دی ناصر نگاہ وچ اے



اوس ویلے نوں کر لے یاد تیرے جدوں موت آویہڑے وچ ڈھکنا ایں
 ثابت رہیوں جے وقت از مالش دے توں تیرے آگے فرشتیاں جھکنا ایں
 جے راہدی بغداد چون ملی تینوں رولا فیر مسافرا مکنا ایں
 ناصر جنہے سرکار نوں ویکھیا اے اوہنے فیر شراب تے تھکنا ایں



میکائیل رکاب نوں پکڑ کہندا میری عمر دی پوری اج تس ہو گئی
 ہلے او تھوں کستوری اے لون لگ پئے جیہڑی شے اوہدے جوڑے نال مس ہو گئی
 لا مکاں دل ناصر حضور ٹر پئے گل نوریاں کولوں بے وس ہو گئی
 اے منزل حضور دی سی باقی سدرہ اتے جبریل دی بس ہو گئی



میرے نبی دی شان مقام اعلیٰ غم گساروی اے ملن ساروی اے
ہے بے عیب دایار بے عیب سوہنا پر اسراروی اے پر انواروی اے
اچا اچیاں توں سچا سچیاں توں شہر یاروی اے تاخداروی اے
صدقے ناصر کریم دے کرم اتوں کردا پیاروی اے دیندا تاروی اے



ہندی سیر لاہوت دیاں وادیاں دی جدوں تیر پریم دا ٹھکدا اے
چوکھٹ یار دی ملے تے کدوں کوئی فیر تحت سکندر تے تھکدا اے
پیندا واسطہ جھکڑاں نال اہدا دھون جدوں درخت کوئی چکدا اے
لکھاں ہوندے نیں دل سیراب ناصر سرا جس دم صراحی دا جھک دا اے



ایہہ کوئی اساں نہیں لائیاں منیا ریاں تے لاوندا خوشی اندر سارا جگ مرچاں
انج لگا ستارے نیں چمک اٹھے کیتا جس ویلے جگمگ مرچاں
من والیاں تائیں سکون ملدا غیراں واسطے ہین ایہ اگ مرچاں
لائے اسیں عقیدت دے نال ناصر ایویں ملا نوں جاندیاں لگ مرچاں



پتر کسے دا جمیں تے اوس ویلے اہدا باب مٹھائیاں دے تھال ونڈے
ونڈ ونڈ اندر ہندے فرق لکھاں ہر کوئی یار توفیق دے نال ونڈے
ساری اپنے ظرف دی گل ہندی کوئی ونڈے مٹھائی کوئی مال ونڈے
آمد ہوئی حضور دی جدوں ناصر اللہ پاک نے مائیاں تے لال ونڈے



دعویٰ عشق دا سوچ لیں کرن لکیاں بات آرے یا دار تک پہنچ دی اے
ڈانڈھے نال آزماؤ نا۔ زور کاہدا ضد اکثر ہار تک پہنچ دی اے
بھاویں جان مسیحا مدینے وچ اے اہدی نظر بیمار تک پہنچ دی اے
ناصر نال مذاق نہ کرو لوکو نسبت مری سرکار تک پہنچ دی اے



صدبے جاواں محبوب دی شان اتوں جہنے رحمت دا چھٹہ اوہ ماریا اے
دتیاں بخش جاگیراں سوالیاں نوں کائنات دا بخت سنواریا اے
دس سیرتے اک من جوکھا کے جہنے سال تریسٹھ گزاریا اے
ہو کے دوہاں جہاناں دا شاہ ناصر اجڑ والی حلیمہ دا چاریا اے



کملی والے پاک دربار اندر ایہو عرض میں صبح تے شام کرنا
منظر ویکھاں مدینے دا کدی جا کے میں تے چاہناں واں اوتھے قیام کرنا
جدوں قلب فراق تھیں جل اٹھدائے پیش ہنجواں دے لہنوں جام کرنا
ناصر شاہ کوئی ہور نہیں کم میرا صرف آقا نوں پیش سلام کرنا



ویلے صبح دے پرے دا پور پہلا ہویا سینیوں پار پرو یاداں
شق ہو گیا شک وچ شوق میرا بوہا دین نہ شوق دا ڈھو یاداں
دکھی رو رو راہ وچ رُل مویا پیاں روندے نوں ویکھ کے رو یاداں
کردے کرم کریما کمپیڑے تے دسنا حال میں کیتا اے جو یاداں

راتاں رنیاں رات میں جدو رویا چاہیا جو کچھ کیتا اے سو یاداں
ناصر جدوں حضور دی یاد آئی استقبال لئی گھیاں کھلو یاداں



مدنی ڈھولیا ترے دربار وچوں نہ میں باغ ارم وچ تھاں منگناں
تخت و تاج نہ راج زمانیاں دے نہ میں حسن پرستی دی چھاں منگناں
ہے اک حسرت کینے دی تاجدارا ہو جائے تری زبان چوں ہاں منگناں
ترے سوہنے مدینے وچہ میں ناصر صرف دو گز قبر دی تھاں منگناں



عشق نبی دیاں برکتاں نال میرا سینہ ہو گیا نور بجمہ اللہ
اہدی نظر کریں نے دھو چھڈے میرے سارے قصور بجمہ اللہ
اہدے اسم گرامی چوں ملدا اے مینوں بڑا سرور بجمہ اللہ
ناصر کرم جے نہیں تے ہو کہیہ لے ریندے کول حضور بجمہ اللہ



من والا حضور دا جس ویلے گھسن گھیریاں دے وچ گھر باندا
جیہڑے ویلے رسالت دا لائے نعرہ سینہ فیر طوفان دا چہ جاندا
سایہ اہدے تے رحمتاں کرن آکے جیہڑا بخت دی پوڑی توں گر جاندا
ہرگز مشکلاں رہن نہ فیر ناصر چہرہ جدوں مدینے نوں پھر جاندا



نگری دے حضور دی حشر تہکڑ جیہڑی ٹھار اے اساں دیوانیاں دی
جنت ربکی ادوں آباد ہونی گئی فوج جدائیاں پروانیاں دی

اہدے وچ ہے تیرا ای بھلا ناصر اونہوں لوڑ نہیں ساڈے ترانیاں دی
جنت وچوں مدینہ جے کڈھ دیئے جنت رہ جاوے کلی کانیاں دی



میتھوں ایڈا ہنیر نہیں ہو سکدا نبی فیض گنجور نوں بھل جاواں
بھلن والی سرکار دی ذات ہے نہیں نکلے جان جے نور بھل جاواں
جہدے نام تھیں بھل گئے غم سارے کیویں ایڈے سرور نوں بھل جاواں
بھلن لئی بہتیریاں ہور چیزاں ناصر کیویں حضور نوں بھل جاواں



جیہڑے سینے وچ عشق حضور دا اے اللہ پاک اوہ سینہ آباد رکھے
سوہنا جیہڑے مہینے دیوچ آیا اوہ مبارک مہینہ آباد رکھے
دل دے اندر جے درد حضور دا اے اللہ ایسا گنجینہ آباد رکھے
ناصر جہیاں دی ٹھار اے ازل توں ای مولا پاک مدینہ آباد رکھے



تار جدوں پریم دی وجدی اے کائنات لئی بن مضمون جاندا
پچھ قیس توں عشق دے راز ڈونگھے تن سکدا اے سڑ خون جاندا
اکھاں سامنے جدوں محبوب ہووے سولی اتے وی پہنچ سکون جاندا
دیوے جووی حکم حبیب ناصر عاشق واسطے بن قانون جاندا



اللہ والیاں دے پاک در اتے لکیاں عشق و وفا دیاں منڈیاں نے
لکیاں توڑ دیاں ٹکھاں کاملاں توں ککیاں یارو طوائفاں رنڈیاں نے

صدقے جاواں مدینے دے چن اتوں جہنے نعمتاں جگ تے وٹیاں نے
مستی موسم دی دسوی اے پئی ناصر زلفاں جیویں سرکار نے چھنڈیاں نے



چلدا جاندا اے عرش تے چن عربی ادھر کنڈا دروازے دا ہل رہیا اے
اک وی قدم جبریل نہ چل سکيا اگے سدھرہ توں لائل رہیا اے
وجد وچ غلماں مسرور حوراں خجھوم ہر اک فرشتے دا دل رہیا اے
کیڈے اہتمام دے نال ناصر یار یار نوں عرش تے مل رہیا اے



لکھن لکیاں سوچنا کیہ لکھاں کملی والڑے دی کنی شان لکھاں
اہدی شان محتاج نہیں لفظاں دی کہڑے لفظ توں پاک عنوان لکھاں
لکھاں دین یا دین دا مان لکھاں اوہنوں جان یا جان جہان لکھاں
شہر یار لکھاں تاجدار لکھاں کائنات دا مان تران لکھاں
معنے لفظ خیال پرواز سوچاں اتھے ایہناں دا بھلا کمال کی اے
جہدی نعت خود پڑھدائے رب ناصر میں کیہ لکھاں گامیری مجال کی اے



بڑے چنگے میں حال احوال میرے کیوں جے چنگے دے ہتھیں ہے بانہاں میری
میںوں حوصلے اہدے پیار بخشے گڈی چڑھ گئی سگوں ایں تہاں میری
جے گوانڈ نہ ہووے سرکار میرے ایسی جنت توں ہے بس نہاں میری
ناصر ہور نہیں منگدا کجھ مولا اہدے قدماں وچ ہووے تھاں میری

(فارمولا گرونا نک)

کے چیز دے ناں دے عدد کڈھ کے ضرب اوسنوں دے دیو چار دے نال
 اہدے وچ فیر دونوں جمع کر کے ضرب پنج تھیں دیو فیر پیار دے نال
 جمع کر کے ہندسیاں ساریاں نوں اتے ویہہ تے فیر تقسیم کریئے
 باقی جو بچے فیر نو دے نال ضرب دین دی اوہنوں سقیم کریئے
 جمع اسدے وچ فیر دو کر کے باقی دوستو بانویں بچدا اے
 ایہو عدد حضور دے نام دے نیں لوں لوں وچ خوشی دے نجد اے
 ثابت ہويا کہ جنہوں وی جو ملیا ملیا دوستو در حضور وچوں
 بنیاں جو کائنات دے وچ ناصر خلقیا گیا حضور دے نور وچوں



کن کھول کے سن لو گل لو کو نہ میں رانجھے نہ ہیر دی کرن لگاں
 مینوں چاہ نہیں سسیاں سوہنیاں دا گل نہ زلف زنجیر دی کرن لگاں
 پہلے جو کجھ ہويا میں جان دا نہیں میں تے بات اخیر دی کرن لگاں
 کھاوے قسماں جدیاں رب ناصر گل اس بدر منیر دی کرن لگاں



ٹٹی پھٹی ایہ کڑی محبتاں دی آخر کار اسلوب تک چلی گئی اے
 جیہڑی شوخی سی کاتب دے جذبیاں وچ قلم نال مکتوب تک چلی گئی اے
 ایسی نظر اس خوباں دے خوب دیکھی اکھاں وچوں قلوب تک چلی گئی اے
 دھڑ کے دل بے تاب ایہہ جدوں ناصر سمجھو بات محبوب تک چلی گئی اے



بن جان ایہ کل درخت قلماں جٹاں پانی ایں سارا سیاہی ہو جائے
 بن جان زمین آسمان کاغذ کٹھی عرشاں تے فرشاں دی شاہی ہو جائے
 کاتب ہون انسان غلمان ہوراں ایناں نال ہر نوری سیاہی ہو جائے
 ایہ چرند پرند درند ذرے اک پاسے ہر مرغ تے ماہی ہو جائے
 قلماں ٹٹ جاسن پانی مک جاسی نوری خاکی وی مان نہیں کر سکہے
 محشر تک لالین ایہ ٹل ناصر اہدی شان بیان نہیں کر سکہے



دن رات سچ ہو تبدیل جاندا چڑھے دن تے رات وی بدل جاندی
 اساں ویکھیا آج دے دوراندر بدلے کرسی دے بات وی بدل جاندی
 بدلایا سید دا قول نہ سونہہ رب وی بھاویں کل کائنات وی بدل جاندی
 جھوٹا بھرم وقار بناؤنے لئی آستھے کیاں دی ذات وی بدل جاندی
 دن ہفتیاں سچ ہفتے مہیاں وچ سال صدیاں دے وچ لکھ بدلے
 صدی بدل گئی ناصر تے کیہ ہو یا اللہ کرے نہ سوہنے دی اکھ بدلے



سجیاں ہن مسیتاں آباد قلماں ساری دنیا دے کم تے کاج بدلے
 بدل جاندے نیں آج کل بڑے لوکی اک پل وچ تخت تے تاج بدلے
 صدی چودھویں گزر گئی پندرہویں دے شب وروز تے رسم ورواج بدلے
 اللہ فیر کوئی عمر عطا کر دے ساڈا وگڑیا جلد سماج بدلے
 لے کے آیا سی جیہڑا جبریل یارو رنگ اوس مکتوب دا بدلایا نہیں
 سب کجھ ناصر زمانے تے بدل گیا اے دست کرم محبوب دا بدلایا نہیں



اہدے جوڑیاں نال جو خاک لگے فیر اوہ خاک یس خاک شفا ہندی
جیہڑی چلے تے چین نصیب ہووے اہدے شہر دی مست ہوا ہندی
جتھے کل مخلوق دی بس ہندی اوتھوں اوس دی ہے ابتداء ہندی
جی دیر نہ اوہدا خیال آوے ناصر نہیں کوئی نماز ادا ہندی



جیہڑے ویلے حضور دی بات چھیڑو چلدی چلدی سرور تک پہنچ دی اے
صرف اوہنوں مدینے نہ سمجھیا کر نظر سوہنے دی دور تک پہنچ دی اے
جیہڑی کڑی حضور دی شان والی لیے پکڑ اوہ نور تک پہنچ دی اے
ناصر ایویں نہیں کدی فریاد کردا مری عرض حضور تک پہنچ دی اے



کون آیا زمانے دے وچ لوکو قلب و جان اتے ہاوی مستیاں نیں
اک مک ایس جہان وچ ہو گئیاں میرے ہار بلندیاں پستیاں نیں
بنی عرش حلیمہ وی انج کلی کوچ کیتا اے آج تنگ دستیاں نیں
موگھے گھل گئے کرم نوازیں دے ناصر شاہ آج رحمتاں سستیاں نیں



کون آیا زمانے دے وچ لوکو جاناں عربی عجمی گھول اٹھے
قدر جہاندی کوئی نہ جان داسی بدو عرب دے بن انمول اٹھے
شرق و غرب نوں لے کے کلاویاں وچ بدل رحمتاں دے پر تول اٹھے
تری واہ سبحان سبحان قدرت ناصر شاہ آج تتر وی بول اٹھے



جس نماز اچ فرض خدا دے نیں سنتاں نال نیں در یتیم دیاں
نالوں نال توحید دے ویکھیاں نیں صفتاں لکیاں نبی کریم دیاں
نال رب دے کلمے شریف اندر لذتاں ہین محمد دے میم دیاں
مرضی ربی اے رہوے نال سوہنا کر نہ ایویں سقیماں تقسیم دیاں
تاہیوں کٹھے نیں یاراں دے نام دونویں اک اک گھڑی جدا نہیں لنگھ سکی
توں کیوں پاگلا وچوں دی لنگھاں ایں او ناں وچوں تے وانجیں لنگھ سکی



سیم وزردا استھے سوال کوئی نہیں اوہ تے ویکھ دا اے سچے پیار ولے
اللہ تاہیوں خطاواں ول ویکھ دا نہیں اوہ تے ویکھ دا پاک دربار ولے
ہو جائے غرق جہان اک پل اندر ویکھے ساڈے جے اوہ کردار ولے
دنیا ویکھ دی پروردگار ولے ناصر ویکھ دا رب سرکار ولے



کملی والے دی سیف زبان وچوں جووی نکل جائے اوہو خدا کروائے
اہدے قدماں وچ ہو صاف جاندی جدوں کوئی نادان خطا کروائے
جیہڑا خاک مدینے دی چم لیندا ہر اک مرض توں اللہ شفا کردائے
ناصر منے میلاد دی منت جیہڑا رب اوس نوں پتر عطا کردائے



چپے چپے تے نور دا ہے پہرہ ظلمت ہو آج گھروں بے گھر گئی اے
صف ماتم ابلیس دی وچھ گئی اے اوہی آج توں قسمت ہر گئی اے

سوہنے دسیا ڈھنگ اوہ جیونے داتک کے زندگی نوں موت مرگئی اے
کرماں والے محبوب دا اونا سی ناصر آتش جہنم دی ٹھر گئی اے



دائیاں اوندیاں رہیاں حضور ولے کملی والے نگاہواں وچ تولیاں نہیں
خالی رہنا سی اوناں سعادتیاں توں بن کے تاہیوں سوالی اوہ بولیاں نہیں
میرے نبی نوں نہیں اوہ پسند آئیاں تہے اوہ بھر سکیاں جھولیاں نہیں
دھروں اناں دے بخت سیاہ ہے سن اکھاں تاہیوں حضور نے کھولیاں نہیں
جس دم سعدیہ پاک دی آئی واری لے کے ازل دے اوہ مقسوم اٹھی
ڈٹھا اہدے ول میرے حضور ناصر تک کے اوہ سرکار نوں جھوم اٹھی



پچھڑ خشک سن بکریاں دائی دیاں بیٹھی دوہن لئی دائی اک چا برتن
اک اک بکری نے کئی کئی بھرے بھانڈے بیٹھی دودھ تھیں سارے مکا برتن
شیمیاں دائی حلیمہ دی سی بیٹی بھریا دودھ تھیں لو لے ہٹا برتن
پنچے گھی وچ انگلیاں آج ہوئیاں آکھے دھی نوں ہور لیا برتن
ہوئیاں ماں تے بیٹی حیران دونوں کتھوں کرم دیاں لہراں چل پیڈیاں
ناصر بھکھیاں تسیاں بکریاں چوں آج تے دودھ دیاں نہراں چل پیڈیاں

نظم

سی ناں فاطمہ بی بی کھے اچ رہندی اوہ عبداللہ نوں روز تر لے سی لیندی
میرے نال شادی جے سرکار کر لو میں قربان جاواں جے کر حامی بھر لو
تساڈی جے بیوی کدی بن میں جاواں عمر ساری قدماں دے اندر نبھاواں
جے رب مینوں ایہ دن کدے چاؤ کھاوے تے ہو جان بولے مقداں دے ساوے

اچانک نبی ایسی حکمت خدا دی ہوئی آمنہ نال حضرت دی شادی
تے اس رات کیتا کرم ذات باری اوہ خلوت دے وچ رات دونوں گزاری
صبح لنگھے فیر اوس بازار ولوں تے حیران سن اہدے تکرار ولوں
اچانک گلی وچ ملاقات ہوئی پر آج پہلے وانگوں نہ گل بات ہوئی
پھر عبداللہ نوں اس فکر گھیر لیا کہ آج فاطمہ کاہنوں منہ پھیر لیا
تے پچھیا تیرا پہلا انداز وی نہیں نہ اوہ ناز نخر کوئی انداز وی نہیں
ساتیرے دل اتے کیہ آج ہے بیتی میرے نال شادی دی گل نہیوں کیتی
ایہ سن فاطمہ گل سی غمگین ہوئی جناب اتے تک کے تے فی الفور روئی
گلی کہن اس لئی تیری ساں دیوانی سی کل تیک روشن ایہ تیری پیشانی
تے ہن مینوں توں تاہیوں منظور کوئی نہیں نظر آیا اج مینوں اوہ نور کوئی نہیں
ہوئی سارے مکے اچ ایہ سی منادی ہوئی آمنہ نال کل تیری شادی
اہدا اے مقدر بڑا ای نرالا ترے کولوں لے گئی اے اوہ نور والا
میں پڑھیا سی موسیٰ دی تورات اندر نبی اونا ایں اوہ کائنات اندر
اوہ ہونا ایں اللہ دا اک تجلا اہدا دیس ہونا ایں اصلی من اللہ
مقدر غریباں دے اونے بناؤنے جواجرے نہیں پھر دیس اونے وساؤنے
اوہ امت دا مونس نے غم خوار ہونا اوہ سارے رسولاں دا سردار ہونا
سی کل تیک میں تے ایہو آس لائی کہ بن جاواں میں اس محمد دی مائی
پر اوہ آمنہ سچ تیری تے بہہ گئی تے لٹ کے خدای خدائی نوں لے گئی
ترے نال بنیاں میرا جوڑ کوئی نہیں تے عبداللہ خالی دی ہن لوڑ کوئی نہیں
میرے ولوں کر لے مبارک قبول اے تیرا بیٹا ہونا خدا دا رسول اے
اندی شان ہونی ایں ناصر نرالی جہدا بیٹا ہونا ایں کوثر دا والی

محشر دے دن

محشر دے دن ہونا کیہ اے
 نفسی نفسی کہن گے سارے
 ہر بوہا کھڑکان گے لوکی
 آدم توں موسیٰ دے تیکر
 سارے کہن گے بیٹھ کے کھلے
 عیسیٰ کول جدوں آ جانا
 آج میں رحمت بن کے دساں
 جاؤ خوشیاں مانو ہسم
 پچھے گا اوہ تہاڈا حالا
 ساری خلقت آ جائے گی
 سب دس گے رام کہانی
 سکھ تے چین ہمیش ہووے گی
 آکھے گا پھر سوہنیا مولا
 رب آکھے گا سن محبوبا
 میں آں خلق بناون والا
 کر محمود مقام تے سجدا
 سجدہ کر کے یار دکھاوے
 پھر چہرے توں پردہ چا دے
 نہ چھپ سوہنیا لاه دے اوہلا

گل تے عشق محبت دی اے
 دھکے دھوڑے لین گے سارے
 کدھرے چین نہ پان گے لوکی
 موسیٰ توں عیسیٰ دے تیکر
 جاؤ جاؤ غیر دے دے
 اس سوہنے نے ایہ فرمانا
 تہانوں اکو بوہا دساں
 نو نو ادھر نو
 اوہ کھڑا جے کملی والا
 دل دا مقصد پا جائے گی
 سوہنیا توئیوں جان چھڈانی
 مدنی رب دے پیش ہووے گا
 ہو جا راضی مکے رولا
 نبیاں ولایاں دے مطلوبہ
 توں اینوں بخشاون والا
 اس کم لئی ایں توں ای سجدا
 محشر نوں گلزار بنا دے
 سبھناں نوں دیدار کرا دے
 مک جائے گا سارا رولا

پل تے پر جبریل دے وچھے
 سارے ہون گے پچھے لگے
 تیریاں نعتاں پڑھدے جاو
 ایہ وی ٹھیک اے جنت میری
 توں آکھیں تے میں گل موڑاں
 سب دی طاقت کھنسی ہے سی
 میں جانا تے دوزخ جانے
 خلقت پچھے گی یا مولا
 جگر تے سینہ سلیاں کیوں ای
 سارے طوفاں ٹھل دیندوں توں
 رب فرماوے گا اے لوکو
 جیکر پہلے ای کملی والا
 کجھ عملاں دے کچھے ہے سن
 ایناں نے سی ایہ فوراً کیناں
 ایہ کم نوح وی کر سکدا سی
 موسیٰ رب نوں کہہ سکدا سی
 میں ایہہ تاہیوں پائی ہتی
 دھکے دھوڑے کھا کے آئے
 زندگی ہوئی بیزار انہاندی
 ایناں دے کم آئی منخوسی
 لالے ساری امت پچھے
 ترا جھنڈا سب تھیں اگے
 درجے اپر چڑھدے جاو
 میں وی تیرا ایہہ وی تیری
 میں نہیں پاؤنیاں قطن اجوڑاں
 تیری عظمت دسی ہے سی
 امت نوں کہہ موجاں مانے
 ایہہ وی کڈھ کے رکھ دے رولا
 بوہے بوہے گھلایا کیوں ای
 پہلے ای اتھے گھل دیندوں توں
 راز میری قدرت دا سوچو
 پچھ لیندا جے تہاڑا حالا
 منکر وی تے وچے ہے سن
 اساں کیہ مدنی کولوں لینا
 ساڈا بیڑا تر سکدا سی
 خبر اساڈی لے سکدا سی
 ایناں تے مونہہ تے وچے جتی
 سارے در کھڑکا کے آئے
 کسے وی لئی نہ سارا انہاندی
 ہر پاسوں جد ہوئی مایوسی

ایناں نوں ایہہ بتلیم کرایائے تہانوں میرے پار بچایائے
 جد ایہہ آئے سوہنے ولے فیر ہوئی اے بلے بلے
 ہر پاسوں جد دھکے وجے دھکے کھاندے کھاندے رجے
 آخر کرم میں ایہہ فرمایا اپنے ہار دے کول لیایا
 سوہنے گل ٹھکرائی کوئی نہیں میں وی دیر تے لائی کوئی نہیں
 یار دے کہنے انج کر تولے فٹ جنت دے بوہے کھولے
 لگ گئے سارے لوک کنارے آج منکر وی من گئے سارے

ناصر میناں سب انساناں

میرے نبی دیاں اچیاں شاناں



ایہہ تے دوستا تیرے تے فیصلہ اے جیہڑی دل کردائی اوہو سیٹ لے لے
 بھاویں باغ فردوس وچ مان موجاں بھاویں نار جہنم دی ہیٹ لے لے
 ناصر شاہ ایہہ عشق دا فیصلہ اے تماں چھڈ دے کوئی سویت لے لے
 کملی والے دا بن کے ویکھ تے سہی بھاویں رحمتاں دی مارکیٹ لے لے



عقل مار انسان دی مت دیندی عقل آکھدی جیب اچ پسیا ہووے
 مال جیب اچ آؤنا چاہیدا اے مال مال ای اے بھاویں جیسا ہووے
 عشق آکھدا مال نوں بھٹھہ پائیے جیہڑا مال یارو ایسا ویسا ہووے
 جیویں رزق صدیق نوں رب دتا ناصر ہووے جے مال تے ایسا ہووے



فرض جان بچاؤنا عقل آکھے جان موت توں ڈردی لکدی اے
 عشق آکھدا یار توں وار دے توں گل ایہو ای مکدی چکدی اے
 عقل آکھدی نام نشان رہندا دولت گھر وچ جدوں آ ڈھکدی اے
 عشق کہندا ہے اے میرا اعلان ناصر گل کرم نوازی تے مکدی اے



عقل کہندی اے پاروی جاونا ایں عشق کہندا اے کشتیاں ساڑ چھیتی
 عقل کہندی اے وس داروگ ہے یئیں عشق کہندا اے کھود پہاڑ چھیتی
 عقل کہندی اے سیس بچا اپنا عشق کہندا اے سولی تے چاہڑ چھیتی
 عقل کہندی اے ٹھاٹھ بنا ناصر عشق کہندا اے جھگا اجاڑ چھیتی



عقل کہندی اے میری توں بنھ پلے جیکر لکھ ایں لکھ توں لکھ ہو جا
 عشق آکھدا یار نوں کر راضی جیکر لکھ ایں لکھ توں لکھ ہو جا
 عقل کہندی اے میرا تے فیصلہ اے آکھے لگ ہر چہرے دی اکھ ہو جا
 عشق کہندا اے ہار جے کیوے ناصر فیر توں سارے زمانے توں دکھ ہو جا



عقل کہندی اے رولا نہ پا ہر گز عشق کہندا پکارنا چاہیدا اے
 عقل کہندی کوئی ڈبے تے کیہ کرے عشق کہندا اے تار تارنا چاہیدا اے
 عقل کہندی اے جتنا لازمی ایں عشق کہندا اے ہارنا چاہیدا اے
 عقل کہندی توں ناصر بچا سرنوں عشق کہندا اے وارنا چاہیدا اے



ساڈی سن داے لعل آمنہ دا غیر بوہے تے ساڈی دوہائی کوئی نہیں
اس دا کرم جے شامل حال ہو جائے رہ کے فیر تنہا تنہائی کوئی نہیں
مر گئے مر گئے کہندے نیں مرن والے ساڈا زندہ اے سانوں جدائی کوئی نہیں
ناصر شاہ سرکار دے کرم باہجوں ساڈی جھولی وچ ہو رکھائی کوئی نہیں



بشر بشر کہی جاندے تے بے عقلے نور من دے آپ نوں نور والے
بڑے ادب دے نال درود پڑھدے سن کے آپ دا نام شعور والے
مرے آقا دے کرم تے کرن عیذاں قسم رب دی نیڑے تے دور والے
حوراں والڑے ہون گے ہو ناصر سانوں کہی جاؤ فقط حضور والے



جنی مہک اے اہدے پسینے اندر کسے پھل اندر اپنی باس کوئی نہیں
کتھوں تیک سرکار دی دھم پئی اے او تھے پہنچ دا عقل قیاس کوئی نہیں
نہ اوہ بندہ نہ بندے دی ذات وچ اے جیہڑا نبی و اقدار شناس کوئی نہیں
ناصر شاہ جے لکھاں نکمیاں نوں اہدی ذات باہجھوں دوجی آس کوئی نہیں



مرے آقا دے اسم گرامی اندر چھپیا عشق و محبت دا راز وی اے
اہدا نام وسیلہ اے نبیاں دا اہدے ناموچ سوز تے ساز وی اے
رکھے نام محمد جو بچیاں دا ہندی اناں دی عمر دراز وی اے
ایسے ناں دیاں برکتاں نال ناصر ہندی ہر منظور نماز وی اے



ذکر خیر حضور دا کری جاتوں ایہہ ایمان دے واسطے ڈوز وی اے
آجا کلی مدینے وچ پالے میری لکھاں دی ایہہ پرچوز وی اے
رکھیا کر سرکار نوں یاد ہر دم تازہ رہندا محبت دا روز وی اے
ناصر ذکر حضور دا کر دیندا نبی پاک دے نال کلوز وی اے



دھاڑا حشر دا آقا دی دید لئی اے باقی ذرا وی گل تے کتھ کوئی نہیں
رب نے یار دی صرف رضا پچھنی ہو پرھیا پنجایت تے ستھ کوئی نہیں
موجاں ماننے آں اہدے کرم اُتے سانوں پاہن سکدا انتھ کوئی نہیں
ناصر شان سرکار جے نال ہوئے حشر وچ لا سکدا ہتھ کوئی نہیں



مولا پیارے حبیب دا واسطہ ای درد پیارے حبیب دا گفت کر دے
چمدا رہاں نعلین حضور دی میں مرے دل نوں سوہنے لئی لفٹ کر دے
میرے بخت دا کھر درا پن مولا نظر کرم دے نال سو فٹ کر دے
ناصر شاہ دا اتھھے نہیں دل لگدا مینوں در رسول تے شفٹ کر دے



لاواں خاک مدینے دی گلیاں دی میرے دل دا ٹھیک پھپھولا ہووے
اللہ کرے تے عشق رسول اندر دل جگر تے جان وی کولا ہووے
جاواں روز مدینے دی سیر دے لئی میرے کول جے اڈن کھٹولا ہووے
ناصر شاہ دی جدوی نظر اٹھے اکھاں سامنے مدنی ڈھولا ہووے



جو وی مرے حضور دے ہین منکر ہوندے وچ عذاباں اریٹ ویکھے
 نوکر عربی ہاشمی مدنی دے پاس کردے عشق دے ٹیٹ ویکھے
 اپنا سینہ مدینہ بناؤن والے ہوندے شہر مدینے دے گیٹ ویکھے
 ناصر جہاں حضور توں جان وازی بخت اوٹاں دے ازل توں بیٹ ویکھے

اللہ دی تلاش

خدایا کسے دی وی تینوں نہ بھن ایں نہ پیندا توں پانی نہ کھانداتوں ان ایں
 حساباں کتاباں نوں دیندا توں دکھ ایں کدی کردا لکھ ایں کدی دیندا لکھ ایں
 ترے وانگ کوئی نام مٹھانئیں مولا توں موجود ایں پر تینوں ڈٹھانئیں مولا
 کدی تینوں ربا جے ملنا میں چاہواں کوئی دس ٹھکانہ میں دس کتھے آواں
 توں مسجد دے وچ ایں یا مندر دے وچ ایں توں لارے دے وچ یا سکندر دے وچ ایں
 توں صدیق وچ ایں یا حیدر دے وچ ایں یا جامی دے وچ یا قلندر دے وچ ایں
 پہاڑاں دے اتے میں سد تینوں مارا کہ دریا دے پتتاں تے تینوں پکاراں
 میں شہراں اچ لبھاں کہ جنگلاں اچ ٹولاں توں کیناں ایں سد مار میں تیرے کول آں
 تیرے اگے انج متھہ ٹیکن داشوق اے کدی سامنے آ تینوں دیکھن داشوق اے
 میں فیروچیا اس طرح وی نہ سوچاں ایہو جیے خیالاں دا گل میں دبوچاں
 کسے مینوں سمجھایا جھلہ نہ بن توں کوئی چچ دی گل کر کولہ نہ بن توں
 جہدی کوئی صورت نکیں اوہنوں توں وینا میں غلط ایہہ خیال اے غلط ہو کے دینا میں
 تنگن واسطے کوئی صورت وی ہووے اوہنوں مل جہدی کوئی صورت وی ہووے

خدا نال کرنا ایں الفت توں چنگی نہ اوہ پاندا کپڑے نہ پھیرے اوہ کنگھی
 کسے نال بہہ کے اوہ گپ شب نہیں کرا اوہ صورت توں پاک لے اوہ میک اپ نہیں کرا
 نہ کوٹ پاوے نہ اوہ شیروانی اہدی شان پچھ توں نبی دی زبانی
 اہدی شان بس ساری ہونیا توں دکھ اے نہ کوئی اہدا چہرہ نہ کوئی اہدی اکھ اے
 منہ ہتھاں نہ پیراں داحتاج رب اے نہ زبراں نہ زیریاں داحتاج رب اے
 کسے وی سمجھ وچ نہیں اوہ آؤن والا نہ ساوا نہ پیلا نہ گورا نہ کالا
 میں حیران ہو کے تے پھر پچھیا ٹونا خدا دے ملن دا کوئی دس دے ٹونا
 کراں میں اہدے نال گل بات کیویں جے چاہواں تے ہووے ملاقات کیویں
 تے فیراوس مینوں ایہہ نقطہ سی دسیا نکل آ عقل دے فریب اچ ایں پھسیا
 خدا دے ملن دا جے ہے شوق تینوں کسے پیارے مرشد نے ایہہ دسیا مینوں
 دبا کے توں سب راز سینے چلا جا تو بغداد جا یا مدینے چلا جا
 یا توں مجدد نوں پئے جائیں نہ جھلی یا پالے توں اجمیر وچ جا کے کلی
 عقیدت دا سودا علی نال کرے محبت کسے توں ولی نال کر دے
 تے یکدم میری اکھ توں اترے جو پردے نظر آ گئے رستے آقادرے دردے
 جدوں آپ دے نال نیوں نال لایا ناصر جہدی کوئی نہیں صورت نظر آیا
 ناصر مکاواں میں گل مینوں کیا مل گیا اے ملے مصطفیٰ تے خدا مل گیا اے



جنے پتے اس دنیا تے رکھاں نال جنے پاسے لگے ہوئے نہیں سکھاں نال
 اسماناں دے اتے جنے تارے نہیں جنے دریا اتے سمندر سارے نہیں
 جنے ساہ نہیں جیون جام دی مستی وچ جنے ہین مسام بدن دی بستی وچ
 اس دنیا تے جنے مردے زندے نہیں جنے وی کچھ حیوان پرندے نہیں

جنیاں نظماں تے مضمون نصاباں وچ جنے وی حرف تمام کتاباں وچ
 جنیاں وی منگدے انسان دعاواں نیں جنیاں دھرتی اتے مست فضاواں نیں
 جنے وی تلواراں نیزے بھالے نیں مہر و ماہ تے جتنے ہو را جالے نیں
 جنے وی ایہہ تیر کماناں نیزے نیں جنے وی ایہہ پتھر تے سنگریزے نیں
 جنے وی اس لوح دے اتے نوشتے نیں جنیاں وی حوراں غلمان فرشتے نیں
 جنیاں وی ایہ فصلاں تے خوشبواں نیں جنیاں وی اس رب نے خلقیاں روحاں نیں
 جنے وی نیں سرتے وال انساناں دے جنے وی تے لہجے ہار زباناں دے
 جنیاں وی رنگین اداواں بنیاں نیں جنے وی ایہہ بدل بارش کنیاں نیں
 جنیاں پائیاں ساریاں لوکاں عمراں نیں جنیاں پھٹیاں شاخاں اتے لگراں نیں
 جنیاں وچ سمندراں رہندیاں پھجیاں نیں جنیاں گلاں اتھے اچھیاں اچھیاں نیں
 جنے رستے وٹاں قلعے تے درے نیں جنے کھیت تے لیس رہن دے ذرے نیں
 کردا اے رب ناصر روز کرم جتنے پاک نبی دے اتے ہون سلام اتے



ٹردے جاندے سن میرے حضور اک دن لگی رحمتاں دی اتوں جھڑی ہے سی
 یکدم آئی آواز حضور اپڑو تے پر درد آواز اوہ بڑی ہے سی
 مرے نبی نے ویکھیا جدوں منظر بے زباناں اتے مشکل گھڑی ہے سی
 سٹ کے جال اعرابی نے اک ہر نی جنگل وچ اس ویلے ای پھڑی ہے سی
 سنی کوک مظلوم دی جس ویلے چڑھ کے کرم ہواواں دے دوش آیا
 ہے سی دیر بس اہدے پکارنے دی رحمت پاک تائیں ایدھر جوش آیا
 کیتی ہر نی عرض حضور اگے لے کے دے دیو مینوں سرکار چھٹی

بچے دیکھ دے ہون گے راہ میری ایتھوں مل جائے جے اک وار چھٹی
 دے کے دودھ میں اوناں نوں ہنے آواں کر کے جے دے دیو اتبار چھٹی
 تہاڑے اگے میں تاہیوں فریاد کیتی بن کے دے دیو اج غم خوار چھٹی
 دتا حکم اعرابی نوں نبی سوہنے اہدے رون دی قیمت ادا کر دے
 لے فیر اہدا ضمانتی میں ہونا میرے کہن تے اینوں رہا کر دے
 کیتی عرض اعرابی نے اوس ویلے تیرا سوہنیا حکم ہٹاؤنا نہیں
 اے پر ہے جانور ایہہ جنگلاں دا وعدہ کر کے اپنے نبھاؤنا نہیں
 تہانوں اپنے پھسا کے جال اندر اہدا واپسی لئی جی چاہناؤنا نہیں
 میں تے چھوڑ دینا اے پر ہے خدشہ ہر نی پلٹ کے سوہنیا اونا نہیں
 میرے نبی نے اوہنوں جواب دتا چنگی لگے نہ بحث فضول مینوں
 ایہہ تے مرا تے ہر نی دا معاملہ اے تیری ہے ہر شرط قبول مینوں
 اثر کر گیا کہناں حضور دا سی اہدی غیرت نوں جہے جھنجھوڑ دتا
 جیویں نبی کریم نے حکم دتا اوہنے رخ اپنا رونویں موڑ دتا
 ہے سی اے ایمان توں گو خالی رشتہ نال حضور دے جوڑ دتا
 بنیاں جدوں ضمانتی نبی میرا ہر نی تائیں اعرابی نے چھوڑ دتا
 نالے بیٹھا اوہ دلوچ کرے گلاں ایس نبی عجیب آج مہسنا ایس
 ہر نی آؤنا نہیں اینوں چھوڑنا نہیں نالے سارے زمانے نے ہسنا ایس
 اے اوہ ترکیباں لڑا رہیا سی ہر نی پاوندی اوتھے دھال آ گئی
 باسی ہو کے جنگلاں سنجیاں دی بے زباں اوہ کرن کمال آ گئی

ہوئی بھل اے سوہنیا بخش دیویں قدماں وچ کردی حال حال آگئی
 کلی آئی نہیں نبی دابول پالن میں تے بچیاں نوں لے کے نال آگئی
 منظر دیکھ اعرابی نے کہیا اپنے ہو کے جانور وعدہ وفا کیا
 میرے کولوں تے چنگی اے ایہہ ہرنی کملی والے دا جسے حیا کیا
 جیہڑے اپنے نہیں اوہ تے اک پاسے غیر اس گل دا اعتراف کردے
 ہرنی اتے اعرابی سی اوس ویلے کملی والے دا رہے طواف کردے
 بڑے پیار دے نال غم خوار آقا رہے دل اعرابی دا صاف کردے
 ڈگ ڈگ پیراں تے کہند اسی اوہ سوہنیا جیہڑی بھل ہوگئی مینوں معاف کردے
 کلمہ پڑھ کے بن گیا نیک بندہ غازی پاک جرار تے جری ہویا
 دولت لے گیا نال ایمان والی نالے نار جہنم توں بری ہویا

جھنڈے

سوہنا آیا تے رب نے کہیا فوراً اے جبریل توں نال لے جا جھنڈا
 بیت المقدس دی نوری چھت اتے میرے نبی دے نور دا لا جھنڈا
 دوجا حرم شریف تے جا کے تے دے پیار دے نال سجا جھنڈا
 تیجا آمنہ بی بی دے حجرے تے چھیتی جا کے دے لہرا جھنڈا
 چوتھا لاون گے آپ جوان ہو کے سچے دین والا مصطفیٰ جھنڈا
 جھنڈے جبرائیل نے لائے ناصر یاروتسی وی سارے بناؤ جھنڈیاں
 جہاں جہاں نوں خوشی حضور دی اے رَج رَج کے محفل تے لاؤ جھنڈیاں



کدوں اونٹاں میلاد مناؤنا ایس جیہڑے شرک دی گڈی تے چڑھے ہوئے نیں
لیے نبی دا نام تے چیخ اٹھدے جیویں نال حضور دے لڑے ہوئے نیں
خوشی کرو نہ سوہنے دے آونے دی ڈھڈھوں ظالماں مسلے گھڑے ہوئے نیں
ناصر کوئی سمجھاندا نیں ظالماں نوں کاہنوں ذکر حضور توں سڑے ہوئے نیں

حلیمہ رضی اللہ تعالیٰ عنہا دا چھپر

بڑا کرماں والا حلیمہ دا چھپر جتھے لائے ڈیڑے رسولاں دے سرور
کے پھیرا جتھے کدی نہیں سی پایا اہدی خاک چمن لئی جبریل آیا
کرم ایسے فرمائے جا کے حضوراں حلیمہ دی کلی دے وچ آیاں حوراں
نہ دیوا سی جتھے کسے رات بلیا تے اج نور دا موگھہ اوٹھوں ہے چلیا
اہدی کلی ول بوہے جنت دے کھلے تے آون پئے مشک و عنبر دے ہلے
جہدے کولوں نفرت جتائی سی لکھاں تے اج سمجھے اس پاسے اٹھیاں نے اکھاں
رکی آکے جس دم نبی دی سواری فرشتے پئے دین اوٹھے بھوباری
نبی ساڈے ناصر حقیقت نوں پنیاں بجائے محلاں دے کلی نوں چنیاں



اپنے اپنے مقام تے ہین اعلیٰ پر نہیں کوئی کتاب قرآن توں ودھ
نہیں کوئی رب توں جان دا نبی توں ودھ نہ کوئی نبی نوں جانے رحمان توں ودھ
حب نبی ایمان دی شرط پہلی اہدی حب نوں جان ایمان توں ودھ
ناصر ہندا اے اودوں ایمان پورا جدوں جانیے نبی نوں جان توں ودھ



ایسا نبی کہ جہدی مثال کوئی نہیں
جہدے نال دا کوئی نہیں ہو دو جا
لاجواب صورت بے مثال سیرت
دسدا پیا قرآن قرآن دی سونہ
بلا تشبیہ کلا جہان وچ اے
ہیرا ایسا نبوت دی کان وچ اے
عکس دوہاں دا ڈٹھا قرآن وچ اے
تیرا نبی ناصر تیری جان وچ اے

مقام دانی حلیمہ

کھلا ہویا سرکار عالم دا در سی
تے سن عائشہ دل آپ سرکار بیٹھے
اچانک نبی ایسی حکمت خدا دی
بڑھاپے تھیں جاوے عمر اس بھر دی
اوہنوں دیکھ کے آپ چپ چاپ ہو گئے
جہاں سارا چاہت دے مرکز تے کھمیاں
تے وہندی رہی آپ دیاں اداواں
اوہ جھٹ بہہ کے واپس ہو او سے گلی گئی
جھکا کے عرض کیتی عائشہ نے دھون ایں
ایہہ سی کون جس نوں تہاں پیار کیتا
تے ہویا اے دل میرا آقا فگار اے
پھر آقا نے راز اتوں پردے اٹھائے
تے فرمایا جان نبی ایویں رد نہیں
ہنے جاؤنا راز تیرے تے کھل اے
اصل وچ اوہ اماں صدیقہ دا گھر سی
سی لائی محبت دا دربار بیٹھے
تے گھر آپ دے آگئی اک سی مائی
تے آئی سی مائی اوہ کھونڈی تے ٹردی
ذرا مسکرا کے کھڑے آپ ہو گئے
گلے لاکے سوہنے نوں مائی نے جمیاں
تے دیندی رہی آپ نوں اوہ دعاواں
جدھر توں اوہ آئی سی ادھر چلی گئی
تہانوں مرے نالوں پیاری ایہہ کون ایں
ادب ایناں کاہدے لئی سرکار کیتا
کہ ودھ میتھوں تہاڈا اہدے نال پیاراے
سی تک کے صدیقہ دے ول مسکرائے
تو سن لے میری گل تے غمگین ہوئیں
لگی تینوں مفت ایچ رقابت دی بھل اے

ایہہ آئی سی جیہڑی ترے گھراچ مائی
 اہد رتبہ عقلاں دے کولوں وی تہاں ایں
 اپنے مینوں رکھیا بنا کے سی دولہا
 ایہو تے ہے عالم دی پیاری کریم
 حلیمہ تیری خوش نصیبی توں صدقے
 خدا نے تیرا اوہ مقدر بنایا
 ایہو تے ہے تیرے محمد دی دالی
 ایہو تے رسولان دے آقادی ماں ایں
 جھلاؤندی سی بچپن دے وچ میرا جھولا
 ہے ناصر ایدا ناں ای مائی حلیمہ
 تیری بے کسی تے غریبی توں صدقے
 تیرے حصے وچ ربداء محبوب آیا



اللہ کہن لگا مصطفیٰ توں ایں
 پڑھی نعت حضور دی رب سچے
 اوہنے کہیا احد اوہنے کیا احمد
 اللہ پاک نے کہیا الست ناصر
 سوہنے کہیا خدا میں آکھ دیناں
 سوہنے کہیا ثنا میں آکھ دیناں
 ہین دونویں یکتا میں آکھ دیناں
 سوہنے کہیا بلی میں آکھ دیناں



مرے نبی دا کرم سبحان اللہ
 پتھر موم ہو گئے اہدے قدم تھلے
 ایسی نور محمد نے چمک ماری
 ناصر نظر اٹھائی تے بدواں دے
 ڈٹھا جزاں دے ولے تے کل ہو گئے
 کنڈیاں ولے جے ڈٹھاتے پھل ہو گئے
 پہلے جہے چراغ سن گل ہو گئے
 اچے سارے جہان توں مل ہو گئے



جی تے چاؤ ہندا اے سوہنے دی نعت اندر
 لگے وس تے جا کے بلال کولوں
 قربت لئی سرکار دی میں ناصر
 مصطفیٰ دی نعت سناؤنے لئی
 حرف حرف قرآن دا لے آواں
 لہجہ اہدی زبان دا لے آواں
 ورد کتھوں عثمان دا لے آواں
 جذبہ حضرت حسان دا لے آواں



چڑھیا عرب دا جن تے حکم ہویا
صرف مالک زمیں دا نحیں یارو
لے کے تخت الٹری توں عرش تیکر
ناصر جیاں ایسیاں نوں معاف کرنا
چلو تار یو وقت غروب دا اے
شرق و غرب شمال جنوب دا اے
ڈنکا و جدا اس مطلوب دا اے
دھن جگرا اس محبوب دا اے



دن ادبوں رات دیوے
اہدی اک اک زلف دے دل تھیں
جیہڑے عشق ندی وچ وڑ چکے
اوہ کدھرے فیر نہ اڑدے
جیہڑے سک دے سیک نوں سہیہ گئے
جیہڑا ناصر آپ دا ہویا
جے کھول کے زلفاں چھنڈے
دل کئی کئی جاون پھنڈے
اوہ لبھدے رہ گئے کنڈھے
جیہڑے عشق استاد نے چنڈے
رہ برف دے وانگوں ٹھنڈے
اہدی عرش تے جھلدے جھنڈے



اہدا مرتبہ کرے بیان کہدا
ہر انسان دی اتھے زبان چپ اے
تالے لگے صداواں نوں چپ دے نہیں
شجر و ہجر حیوان وی چپ سارے
اتھے پیش مخلوق دی نہیں جاندی
جیکر بولے تے بولدا رب ناصر
جتنے قلم چپ اے قلم دان چپ اے
ساری زمیں چپ اے آسمان چپ اے
ہر اک ساز چپ اے ہر اک تان چپ اے
ہر اک حور چپ اے ہر غلمان چپ اے
جیہڑا بولدا اے اوہو ڈولدا اے
اوہ وی اہدی زبان چوں بولدا اے



سورج روز افلاک تے لائے پھیرے
پتیاں نال سرگوشیاں ہوا کردی
کھمیاں نال سر پھوڑ دا روز پانی
تارے تارے نوں پچھدا جن راتیں
سارے جن انسان چرند کچھو
اپنے اپنے مقام تے سب ناصر
گردش اندر ستارے نیں پہراٹھے
منتظر نظارے نیں پہراٹھے
تے خاموش کنارے نیں پہراٹھے
کسے ٹول وچ سارے نیں پہراٹھے
گردش اندر ایام جو سال دے نیں
اٹھے پہر حضور نوں بھال دے نیں



جھک دا پیا اے عرش وی فرش ولے
بھاویں شاہ تے بھاویں گدا ہے سی
ایسا کرم کریم کمال کیتا
ناصر صدیاں بعد وی انج لگدا
رکھن کون غریباں دی لج آیا
کاسہ لے کے بوہے تے بھج آیا
گیا جو خالی رج رج آیا
جیویں سوہنا زمانے تے آج آیا



آفتاب نال ذرے وی کیہہ نسبت
ایہہ دلیل کمزوری ایمان دی اے
ناصر لکھ لکھ بھاویں کوئی کرے کلیاں
ابدا نام جے لیے بے ادبی اے
سورج تائیں ملاویں جناب دے نال
گل کیتی او کیہڑے حساب دے نال
بڑے ادبوی عرق گلاب دے نال
دھوکے جیہہ تسنیم دے آب دے نال



من رانی دے کردا پیا چہرے
جہدے وچ کائنات دا ہے نقشہ
کدوں پھلاں چوں آونی مہک ہے سی
ناصر بنے گی اودوں ای کل میری

رب دا ہے آئینہ مدینے والا
رکھدا ہے اوہ سینہ مدینے والا
جے نہ ونڈدا پسینہ مدینے والا
جے دکھاوے مدینہ مدینے والا



میری زاری مدینے وچ پہنچ دی اے
مینوں میرے کریم نے کج لینا
اپنے اتے اک سایہ محسوس کرنا،
ناصر کولوں ہنیریاں کیہ گینا

ٹھنڈے ساہواں دا پور ہے کول میرے
بھاویں جڈا قصور ہے کول میرے
لگدا سوہنا ضرور ہے کول میرے
نور والے دا نور ہے کول میرے



جیہڑا گزردا سوہنے دی یاد اندر
میرے نبی کریم دا دیوانہ
ناتا نال حضور دے توڑ دا جو
اوہو نور حضور دا دیکھ/دا اے

اک اک ساہ سمجھو سوا لکھ دا اے
خبر سارے جہان دی رکھ دا اے
بندہ رہندا نہ دوستو لکھ دا اے
جالا صاف ناصر جس دی اکھ دا اے



جیوں جیوں لکھنا نعت حضور دی میں
باد صبا مدینوں جدوں آوے
جیویں آہ غریب دی عرش ولے
دلوں جیہڑی وی ناصر آواز اٹھے

تیوں تیوں بن دی اے چنگی اخیر جاندی
میرا ٹھار دی سارا سریر جاندی
سینہ کل افلاک دا چیر جاندی
کول مصطفیٰ دے سدھی تیر جاندی



سدا جلوت خلوت دے اندر جہدی نال خدا ملاقات اے تیری ذات اے
 جہدے قدماں پٹھ ہے عرش علی جہدی اکھ دے وچ کائنات اے تیری ذات اے
 سب شاہ تے گدا پئے کاندے نیں جہدے کرم دی صرف زکوٰۃ اے تیری ذات اے
 جنہوں رب خود آکھے ناصر شاہ محبوب تیری کیا بات اے تیری بات اے



ساری جنت تیری نگری دا اک سوہنیا خاص محلہ اللہ اللہ
 ترا نور محیط انج عالم تے جیویں چچی تے فٹ چھلہ اللہ اللہ
 دے شان قرآن وی ناصر شاہ ترا اصل مقام من اللہ اللہ اللہ
 کدی طہ تے کدی او ادنیٰ کدی تُم دنیٰ فتدلی اللہ اللہ



تیزی پاک چٹائی فقر دی نہیں ترا سوہنیا عرش مصلیٰ اللہ اللہ
 جیویں رب یکتا مخلوق دے وچ اونویں توں بنیاں وچ کلا اللہ اللہ
 شب قدر دی اکھ وچ لشکاں اے تیری زلف دا اک اک چھلہ اللہ اللہ
 کائنات اچ دکھرا اے ناصر شاہ سرکار دا ٹھہور دھڑلا اللہ اللہ



میں کچھ نہیں کچھ نہیں کچھ ناں سہی بھاویں میری جو اوقات اے کرم دی بات اے
 اہدے ذکر اچ گزرے دن میرا اہدے فکر اچ لنگھدی رات اے کرم دی بات اے
 میرا انگ انگ آپ داناں جیدا میرے نال کریم دی ذات اے کرم دی بات اے
 میرا مال اولاد تے جند ناصر اہدی بخشی ہوئی خیرات اے کرم دی بات اے



میدان حشر وچ ہونا ایں اللہ پاک نے پاکاں ولے بلے بلے
میں جہئے گنہ گار غریب گدا بنھ لے سرکار نے پلے بلے بلے
ہر موڑ تے آپ کھلوون گے رہ جان غلام نہ ککے بلے بلے
اوتھے بنیاں وی کہنیاں ایں ناصر شاہ اے کون بہشت نوں چلے بلے بلے



جہدا اسم گرامی سن دیاں ای ہر مشکل بن گئی دھونہہ ایں بالکل توں ایں
کائنات اچ ہر اک منگتے دا جہدے پاک شہر ول مونہہ ایں بالکل توں ایں
جہدا پیار ضمانت بخشش دی جہدے ذکر اچ چین سکون ایں بالکل توں ایں
جہدے چرچے ہفت زمیناں تے جہدی کل افلاک تے سونہہ ایں بالکل توں ایں



اہدا شام سویرے کھلا اے ہر شاہ تے گدائی لنگر جگ دے اندر
اہدے آئیاں مسجداں وچ ہوئے تبدیل کلیسے مندر جگ دے اندر
اہدی چوکھٹ تے مدہوش پئے آکے سلطان سکندر جگ دے اندر
اہدی نظر بنائے ناصر شاہ کئی غوث ابدال قلندر جگ دے اندر



جنہوں ویکھ کے موسیٰ غش کھا گئے گیا بن سرمہ کوہ طور اے تیرا نور اے
سلمان بلال تے بو ذر دا جہدا صدقہ قلب حضور اے تیرا نور اے
اللہ پاک نے جو کچھ خلقیا اے جیہڑا ہر شے وچ مستور اے تیرا نور اے
اہدے وچ نہیں ماسہ شک ناصر بھاویں نیڑے تے بھاویں دور اے تیرا نور اے



تیرا صدقہ ودھ گیا شملے توں میرا سینہ درر رسیدہ نت رنجیدہ
تیری یاد اچ کھل گیا محبوبا ہر اک نکتہ پیچیدہ سی نادیدہ
ساری رات مہک دا ناصر شاہ مرے لب تے وردخی دا نام نبی دا
میرے واسطے سند ہے بخشش دی سرکار دا پاک قصیدہ عشق جریدہ



ساڈے مکھڑے چوں بدبو آوے اہدے مکھڑے وچ خوشبو اے کرم دی جوہ اے
اہدے فیض دے نیں پر تو سارے لبالب ہر خام سبواے کرم دی جوہ اے
اوہ حق اے حق اے حق سمجھیں اہدی اعلیٰ ہر اک خواے کرم دی جوہ اے
اہدی نعت ای جا پے ناصر شاہ بھاویں کوئل دی کو کو اے کرم دی جوہ اے



چن عربی سر توں پیراں تک لاریب خدا دی شان ایں قسم قرآن ایں
اوہنوں ویکھ کے رب دی سونہرہ ربدی سانوں ہو گئی اے پہچان ایں رب دی شان ایں
اہدا جسم اطہر ناصر شاہ جویں کوئی خوشبو دی کان ایں اک برہان ایں
اوہنوں ویکھن والیا ویکھ تے سہی اہدی صورت تے قرآن ایں رب دی شان ایں



رہوے سامنے جس دے عرب دا چن اوہ کیوں کر رہوے اداس اے
اہدی قدر فرشتے کردے نیں جیہڑا آپ دا قدر شناس اے
دکھو دکھ نیں پھل پر انج لگدا ہر پھل وچ آپ دی باس اے
اہدے نکتہ چین دا اے ناصر دو جگ وچ ستیا ناس اے



انا بشر کہہ کے خود ہو یا ساڈی نظراں توں مستور اے نور ای نور اے
محبوب نوں سمجھے جان اپنی ہر عاشق دا دستور اے نور ای نور اے
جسے دیکھیا مدنی کہہ اٹھیا بالاخر ہو مجبور اے نور ای نور اے
ابدا ساتھوں لکنا ناصر شاہ ابدے وچ کوئی راز ضرور اے نور ای نور اے



جس دم مہکیا لبیاں تے نام تیرا انج لگا سکون دا جام آیا
چھکے چھٹ گئے کل مایوسیاں دے دل نوں چین سکون آرام آیا
ایہہ وی خواجہ عالم دا معجزہ اے جیہو جیہا وی سخت مقام آیا
ناصر یاد حضور دے خادماں غوں یا درود آیا یا سلام آیا



اوہنوں فیر نہیں کتے پناہ ملدی جہدی عرضی او تھوں رجیکٹ ہووے
اوہنوں عیب حسیاں چوں اوں نظری جہدے وچ ایمان ڈیفیکٹ ہووے
ابدا رابطا عزشیاں نال رہندا جس دا رابطہ ادھر ڈائریکٹ ہووے
ناصر اوہنوں مدنیوں کون روکے کیتا جنہوں سرکار سلیکٹ ہووے



بڑا ناز سی چن نوں حسن اتے چہرہ بدر منیر دا دیکھ بیٹھا
ماہ کامل دی پاک تصویر اندر جلوہ رب قدیر دا دیکھ بیٹھا
کرناں دین والا فرش والیاں نوں جلوہ ابدے سریر دا دیکھ بیٹھا
ٹوٹے ہو کے ڈگ پیاز میں اتے نور علی دے ویر دا دیکھ بیٹھا

منظر جدوں وی اوند اے یاد اوہنوں یاد کر کے دل مسرور کردا
ناصر شاہ اوہ اے زمین ولے تک کے روز حضور حضور کردا



ترے عشق دی بار سرکار وچوں اک اک درد قبیلے دا جی ملیا
جو کجھ ملنا اے او تھوں ای ملنا ایں جو کجھ ملیا اے او تھوں ای ملیا
ملیا دین ایمان قرآن مولا مقصد زندگی موت داوی ملیا
ناصر پچھو شیطان لعین کولوں تینوں نبی دے ویر چوں کی ملیا



ہجرت جدوں سی میرے حضور کیتی عرض کیتی اے میرے کریم مولا
تیرے شہراج اذن جے یحییٰ مینوں کتھے جاواں پھر اے عظیم مولا
اہدے وچ مشیت ہے کوئی تیری ترا نام مٹاؤنا چاہوندے نیں
جیہڑی بستی نال ہے پیار مینوں دشمن اہدے وچ روز ستاؤندے نیں
رب عالم دا پاک ارشاد ہویا سنی جا توں میری وی گل سوہنا
جیہڑے شہر دے نال ہے پیار مینوں سدھا تیر اس شہر وچ چل سوہنا
عرض کیتی اے مالکا جگ اندر ایسا کوئی انوکھرا شہر وی اے
کے پاک توں ودھ کے جس تھاویں تیرے کرم دی چلدی نہر وی اے
حکم ہویا کہ ہاں اک ہے بستی عاشق جنہوں خزینہ وی آکھدے نیں
فرش والیاں نوں اے پتہ کوئی نہیں عرشی اوہنوں مدینہ وی آکھدے نیں
ناصر ہے اس شہر نال پیار تاہیوں بات پیار دی او تھے ای کی ہے سی
تیرے بدن دے لئی اس شہر چوں مٹی آ کے فرشتیاں چکی ہے سی



جو وی لبھیا حسیناں دے تاجدارا
آیا جدوں وی عشق دا درہمتھیں
ترے پیار نوں جدوں تلاش کیتا
ناصر شاہ ایمان تے اک پاسے
تیرے ذکر دے حیلے دے نال لبھا
اہل نظر قبیلے دے نال لبھا
ترے عشق رنگیلے دے نال لبھا
رب وی تیرے وسیلے دے نال لبھا



خدایا زمیں دا فرش توں وچھایا
بنایا ای دن لئی ایہہ سورج نرالا
زمیں تے درختاں دیاں ایہہ قطاراں
زمیں دیاں فیر ہوز شاناں نیں ودھیاں
عرش کرسی سدرہ تے لوح و قلم وی
کتے بن کے جھکھڑ ہوا چلدی پئی اے
کتے باد رحمت لگاندی اے ٹھمکے
کتے مولا مہکا توں گلزار چھڈے
تیرے راز واہ واہ تے واہ تیریاں شاناں
تے پھر سلسلہ انبیاء دا بنایا
کے اگ نوں گلزار دسیا بنا کے
کے نال مولا توں کیتا کلام اے
کے آرے تھلے تیرا ناں تہایا
سائباں فلک دا زمیں تے سجایا
تے چن تاریاں کیتا راتیں اجالا
گلستاناں اندر خزاں تے بہاراں
چلائے ہزاراں سمندر تے ندیاں
وجود و عدم نارو باغ ارم وی
کتے ٹھنڈی صبا چلدی پئی اے
کتے پائے شاخاں نے کناں چ جھمکے
پہاڑاں دے دھرتی نوں کل مار چھڈے
کہ بدلاں چوں بارش پہاڑوں چوں کاناں
کے نوں ملائک توں سجدہ کرایا
چھری پیٹھ گردن کے دی ڈاہ کے
کے کھل لہائی تے ہویا دوام اے
کے جادو آواز دا آ جگایا

کسے نوں ہجر وچ روایا ای مولا کسے نوں حسن تھیں رجایا ای مولا
 کسے نوں توں کوئی ادا بخش چھڈی کسے کوڑھیاں نوں شفا بخش چھڈی
 کسے نوں توں دارا سکندر بنایا کسے نوں توں مولا قلندر بنایا
 زمانے تے کنے جری پیدا کیتے علی پیدا کیتا ولی پیدا کیتے
 کتے باد صر صر کتے نے ہواواں کتے نیل دجلہ کتے کربلاواں
 کائنات ساری ای بھاگاں بھری اے ایہہ لاریب تیری ای کاریگری اے
 مرے ذہن اندر بس اکو سوال اے تیری ذات دا ای ایہہ سارا کمال اے
 ایہہ سب کجھ بنا کے فخر توں نہیں کردا ایہہ سب کجھ سجا کے فخر توں نہیں کردا
 خدا پاک ولوں ایہہ آئی صدا اے مرے حرف کن دا فقط ایہہ صدا اے
 میں ظاہر کسے تے وی نہیں راز کردا ایہہ سب کجھ بنا کے وی نہیں ناز کردا
 ہے اک ہستی ناں جس دا شاہ حجازاں فقط مینوں اہدے بناون تے نازاں
 میں پڑھ پڑھ درود اونہوں بس رکھدا یاد آں بنا کے اونہوں خود نوں مژدیندا داد آں
 ایسے چیز تے ناز کردا سدا ہاں میں ناصر تیرے مصطفیٰ دا خدا ہاں



پکے دوزخی لکھے گئے لوح اتے شان مصطفیٰ وچ جیہڑے شکی ہو گئے
 ڈگے منہ دے بھارا وہ وچ دوزخ پسدے رہے تے پس کے پھکی ہو گئے
 یاد کے مدینے نوں کرن والے اک نہ اک دن مدنی مکی ہو گئے
 پیار جہاں حضور ﷺ دے نال کیتا ناصر سارے زمانے توں لگی ہو گئے

تینوں سوہنیا دل وچ رکھیا اے
توں مل گیا ایں تری ذات سوا
تینوں سامنے بہہ کے نکدا رہواں
تیرے ناصر شاہ دیدار سوا
اساں پوجی مورت کوئی نہیں
کوئی ہوو ضرورت کوئی نہیں
دوجی دل دی حسرت کوئی نہیں
ہن بچن دی صورت کوئی نہیں

اساں مرنا ایں یار دے قدماں تے
پانی لنگھدائے سر توں لنگھ جاوے
جہدا پھل نفرت دی بو دیوے
بھاویں لہندیوں چڑھ جائے دن ناصر
جھگا وکھرا اڈنا کوئی نہیں
دلوں عشق نوں کڈھنا کوئی نہیں
اوہ بوٹا گڈنا کوئی نہیں
در یار دا چھڈنا کوئی نہیں

سانوں ملیاے سنگ لچالاں دا
اساں ہرگز دل دی مندری وچ
اوہو پڑھنا نہیں عشق پڑھایا جو
جیہڑے سڑ گئے عشق ایچ ناصر شاہ
ساڈے بیڑے اڑنا کوئی نہیں
نگ غیر دا جڑنا کوئی نہیں
دوجا لفظ وی پڑھنا کوئی نہیں
اونوں دوزخ سڑنا کوئی نہیں

رون نال وپار ایناندا
مذتاں ہوئیاں کیوں نہیں خبرے
وچھڑن والیاں دید تیری لئی
ناصر کیہ سمجھاوے میرے وس
روندیاں پیناں اکھیاں
ساراں لہیاں اکھیاں
مر مک سکھیاں اکھیاں
نہ رہیاں اکھیاں



لے	ہن	شام	سورے	جم	جم
آپ	تے	ہو	بے	چین	ہن میرا
نت	سمجھاندا	ساں	میں	تہانوں	
ناصر	نوں	دیدار	دا	کوئی	



رب	جانے	ہن	کس	آون	
درداں	دے	بازار	اچ	جا	کے
روز	نویں	سر	رستے	ویکھاں	
ناصر	شاہ	دیدار	دے	باہجھوں	



جے	آوے	دکھ	یار	دی	خاطر
جیکر	ھاریاں	مل	جائے	ماہی	
ناصر	یار	لئی	جے	آوے	تے
رس	جائے	بھاویں	دنیا	ساری	



اس	دنیا	تے	انج	تے	ڈٹھیاں
تیری	اکھ	دیاں	ہو	گمیاں	نیں
میرے	گھر	توں	ترے	در	تک
ناصر	خبرے	کیہ	کر	چھڈیا	



جد اوہ زلفاں چھنڈے
گھر گھر چانن ونڈے
اہدے ناں دے جھنڈے
کرے گا دوزخ ٹھنڈے

کستوری دے هلے آون
ہلکا جیہا تبسم اہدا
عرش علی تے جھلڈے دیکھے
اک اتھرو محبوب دا ناصر



ایہ عید وی گزری رو کے
راہ ہنجواں دا ترو کے
تیرے رستیاں وچ کھلو کے
ہن کھوہ نیناں دے جو کے

عید آئی پر تو ناں آئیوں
گھرتے گھر سی سوہنیا جہاں
اسیں وانگ سوالیاں دل آئے
باقی عمر گزرنی ناصو



گل لوکاں سمجھی کائی نہیں
اس ہجر دی ہور دوائی نہیں
چنگی لگدی قطن خدائی نہیں
پر موت ہجر نوں آئی نہیں

دیوانہ پن کوئی مرض تے نہیں
در اصل جہن دی دہید سوا
جدوں نظر نہ دل دا چین آوے
لکھ منگیاں دعاواں ناصر شاہ



میرے واسطے چھیتی اسار کعبہ
تیرے فن دا ہووے شہ کار کعبہ
کھڑا کر دے نال پیار کعبہ
جیہڑے دن توں کیتا تیار کعبہ

آرڈر ہو یا خلیل نوں رب ولوں
ایس لگن تھیں کریں تعمیر اس دی
لے جا فوج اے نال فرشیاں دی
جو وی چاہویں گا دیاں گیار تینوں

عرض کیتی خلیل نے یا مولا
 توں تے رہناں نہیں کعبے دا کیہ طلب
 حکم ہو یا کہ عیسیٰ توں بعد اتھے
 ڈاکو چوراں اچکیاں بدواں نوں
 جدوں آیا تے پہلے حبیب میرے
 طعنہ دین گے جدوں بے دین اونہوں
 ایہو جہیا سوہنا میں اونہوں بنا بیٹھا
 ہر کوئی چاہندا اے یار گوانڈھ ہووے
 کاری گر خلیل نگران اللہ
 بڑے شوق دے نال تعمیر کیتا
 ہندی جاندی سی جیوں جیوں دیوار پر
 پتہ دیندا سی شوق خلیل والا
 جیہڑے ویلے سی کعبہ تیار ہو یا
 مری واری اے تیتھوں انعام منگاں
 کہیا رب نے منگ کیہ منگنا ایں
 تینوں پتہ اے ایذا قدر ہاں میں
 جے توں میری توحید بلند کیتی
 تیرے نال مقابلہ جو لاوے
 چکے ہتھ خلیل دعا منگی مولا
 جہدے واسطے پیدا جہان کیتائی
 توں تے لا مکان سداؤنا ایں
 کاہدے لئی تعمیر کراؤنا ایں
 مرے خاص محبوب نے اونا ایں
 جہے فیر انسان بناؤنا ایں
 ایسے دھرتی نوں رنگ لاؤنا ایں
 اوہنے اہدے ول مکھ پرتاؤنا ایں
 اہدے باجھ نہیں لنگھ اک پل سکدا
 میں وی اہدا وچھوڑا نہیں جھل سکدا
 اسماعیل خود جہدا مزدور ہے سی
 باپ بیٹے دی طبع مسرور ہے سی
 ودھدا جاوندا انویں سرور ہے سی
 دل وچ کوئی مراد ضرور ہے سی
 عرض کیتی خلیل ستار مولا
 مینوں کعبے دے اتوں اتار مولا
 جووی منگیں اوہ تیرے توں واردیواں
 شعلے اگ دے کر گلزار دیواں
 میں وی کتے وی تینوں نہ ہار دیواں
 اونہوں ڈوب دیواں تینوں تار دیواں
 میریا کرم ضرور کر دے
 میری جد چوں اہدا ظہور کر دے

رب اکبر دی رحمت نوں ٹھاٹھ آ گئی تینوں خواباں دا خوب اج دے چھڈیا
 جیہڑے سورج نبوت دے فلک اتے نہیں ہونا غروب اج دے چھڈیا
 سنو لوکو حبیب خلیل دے کر کے میں منسوب اج دے چھڈیا
 دتے جاندے نہیں بھاویں محبوب اپنے جا تینوں محبوب اج دے چھڈیا
 کہیا ابراہیم نوں رب ناصر نقطہ غیراں دے کولوں ایہہ کھلنا نہیں
 تو کہہ لیا اے تینوں وی یاد رہیاں میں کہہ دتا اے مینوں وی بھلنا نہیں



جے کوئی چھے قرآن دا مغز کی اے اونہوں آکھ کردار حضور ﷺ دا اے
 جے کوئی چھے ایمان دی روح کی اے اونہوں کہہ دے پیار حضور ﷺ دا اے
 جے کوئی جنت دے بارے ثبوت منگے اونہوں دس گھربار حضور ﷺ دا اے
 جے کوئی زمیں آسماں دا دل چھے ناصر آکھ دربار حضور ﷺ دا اے



خواہش آخری چھے جے کوئی میتھوں تے میں کہواں دیدار حضور ﷺ دا اے
 سورج رات نوں ویکھناں جے چاہویں جاو یکھ رخسار حضور ﷺ دا اے
 جے کوئی چھے کہ دوزخی کون ہندا اونہوں کہو غدار حضور ﷺ دا اے
 جے کوئی چھے کہ جنتی کون ناصر کہہ دے تابعدار حضور ﷺ دا اے



اوہدے نام دے دیندا اے جو ہو کے اوہدا غلط ٹرینڈ نہیں ہو سکدا
 کملی والے دا جیہڑا غلام ہے نہیں رب دا کدی فرینڈ نہیں ہو سکدا
 میرے نبی ﷺ دا عشق جد شروع ہووے اوہدا کتے وی اینڈ نہیں ہو سکدا
 کملی والے دی نوکری کرن والا ناصر کدی سپینڈ نہیں ہو سکدا



سب توں ذکر قدیم حضور ﷺ دا اے فنِ نعت دا کل یا اج دا نہیں
جنی دیر تک نعت نہ پڑھی جاوے یارو کوئی پنڈال دی سجدا نہیں
اج دے دور وچ سچ جے پچھ دے او نعت باہجھ کوئی مسئلہ مجدا نہیں
ناصر شاہ ہے نعت غذا ایسی بندہ سبندیاں سندیاں رجدا نہیں



سب کجھ وار دے آقا دے نام اتوں تیراناں مٹ جاوے تے فیر آکھیں
دکھاں سکھاں وچ سوہنے نوں سدیا کر نیڑے تیرے دکھ کوئی آوے تے فیر آکھیں
نعرے مار کے لنگھ جائیں پل اتوں تینوں دوزخ ڈراوے تے فیر آکھیں
کر کے چہرہ مدینے نوں دیکھ ناصر تیری کنڈ کوئی لاوے تے فیر آکھیں



عقل آکھدی پیسے دی کھیڈ ساری پیسہ پیسے وچ رچناں چاہیدا اے
پیسے نال زمانے تے رونقاں نہیں پیسہ بندے نوں پچناں چاہیدا اے
عشق آکھدا بلی دا دم رکھیے پیسے ویسے توں پچناں چاہیدا اے
راضی یار نوں رکھ توں اے ناصر آکھے یار تے پچناں چاہیدا اے



جیہڑا جھک دا اے درِ حبیب اتے بڑی قیمت اس دے سردی اے
ساڈے واسطے خاک شفا بن دی مٹی جو نعلین توں کر دی اے
تخت و تاج دے وارثاں توں اچی شان آپ دے ہر شاعر دی اے
ناصر شاہ ایہہ نعت دا معجزہ اے خلقت تلیاں تے چکی پھر دی اے



رحمت سوہنے دی جنہوں نواز دی اے اوس بندے دا مرتبہ ہائی لگدا
گھاٹ گھاٹ توں پیندا اے جو پانی ناصر پیاسا نہیں اوہ ہر جائی لگدا
مینوں جدوں وی مرض کوئی لگ جاوے کملی والے دا نام دوائی لگدا
میں وی نعت پڑھناں اوہ وی نعت پڑھدا جبرائیل مینوں پیر بھائی لگدا



منزل دوغلہ کدی نہیں پا سکدا نہ اوہ ان ہوندا نہ اوہ آؤٹ ہندا
اوہدے دین دا بلب فیوز ہندا اوہدے دل دا لوز کٹاؤٹ ہندا
ناصر شاہ اوہ مار نہیں کھا سکدا، عربی ڈھول دا جیہڑا سکاؤٹ ہندا
دور میرے حضور ﷺ توں رہن والا خاص الخاص ابلیس دا ٹاؤٹ ہندا



جس دے دل پچ درد حضور ﷺ وانہیں اس دے دل دا لگناں ریٹ کوئی نہیں
جھنڈا جتھے حضور ﷺ دا جھلدا نہیں ایسا ملک یا ہور سٹیٹ کوئی نہیں
سچے رب توں بعد جہان اندر مصطفیٰ ﷺ توں ہور گریٹ کوئی نہیں
سوہنا سدے تے لگدا پل ناصر ہندی پل دی پل دی لیٹ کوئی نہیں



تار ذوق دی جڑے نال جدوں تیکر دیوا قلب دا کدی وی جگ دا نہیں
میرے نبی ﷺ دی مثل نہ بنیاں کرا لٹا دریا کدی وی وگدا نہیں
شیر نال مقابلہ کرے ناصر ایڈا حوصلہ کسے وی سگ دا نہیں
اوہدی گل نہیں موڑ دا رب جھلیا تیرے آکھے تے کتا وی لگدا نہیں



میرے نبی ﷺ دی شان کی پچھنا ایں فلکوں چاہوے تے چن اتار سکدا
امت واسطے غار حرا اندر اتھرو کیر کے دوزخ نوں ٹھار سکدا
اوہدے خلق نے کیا اے کم جیہڑا کدی ہونئیں نال تلوار سکدا
اوہدے خادماں نیں مارے شیر ناصرتوں تے کملیا چوہا نہیں مار سکدا



سینہ خالی اے عشق توں جے تیرا تیرے دوستانہجاں دی لوڑ کوئی نہیں
کملی والے دے بوہے تے جائیں تے تیرے جھوٹھیاں پجاں دی لوڑ کوئی نہیں
رتی درد دی ملے تے بڑی گل اے چوکھے عقل دے چھجاں دی لوڑ کوئی نہیں
ناصر جہے مدینے نوں جاوٹاں نہیں رب نوں اسدیاں حجاں دی لوڑ کوئی نہیں



اوہناں قبرچ کی رشنائی کرنی ہون دین دے باب فیوز جس دے
کدی پاس نہیں ہندا نالائق بچہ نمبر پیراں چوں ہون لوز جس دے
بولن لکیاں رب وی سونہہ رب دی پیارے لب کردا خود یوز جس دے
لیھے اس دی کون مثال ناصر چمیں عرش عظیم دی شوز جس دے



لالے ٹبیاں دوستار رج رج کے ندی آقا دے کرم دی چڑھی ہوئی اے
اونہوں کون جھیاں بھلی پان والا انگلی جس دی عشق نے پھڑی ہوئی اے
ناصر شاہ اوہ دید نہیں کر سکدا غیراں نال جس دی اکھ لڑی ہوئی اے
اوہناں چھریاں تے نور اوناں کی جہاں دلاں دی دائرنگ سڑی ہوئی اے



فِي حَقِّ هَذَا الرَّجُلِ کہہ کے قبر اندر فرشتے بول دے نہیں
ایہہ کون ایں اینوں پچھانتاں ایں سارا بھیت اوہ بندے تے کھولدے نہیں
اون والے نوں جیہڑے پچھان لیندے کسے گھائی دے اندر نہ ڈولدے نہیں
ناصر اوہناں ای او تھے پچھانتاں ایں جیہڑے نوکر عربی ڈھولدے نہیں



لطف جناں حضور ﷺ دی نعت وچ اے کدوں وںجھلی بانسری بینڈ وچ اے
جو بہار مدینے دیوچ ویکھی نہ اوہ روس وچہ اے نہ انگلینڈ وچ اے
جیہڑا مزا درود و سلام وچ ہے نہ اوہ سٹ وچ اے نہ شینڈ وچ اے
ایں اوس جہان دی ہر نعمت ناصر میرے حضور ﷺ دے ہینڈ وچ اے



بختاں دراں دی دوستی تار چھڈ دی بخت کوں بھیاں توں رنگ چاہڑ دیندا
حسن بندے نوں کر مغرور دیندا عقل والا دی جھگے اجاڑ دیندا
منگو عشق سلامت جے منگدے او پیر عقل دے جیہڑا اکھاڑ دیندا
ناصر شاہ جے آئی تے عشق آدے اگوں راہ توں ٹال پہاڑ دیندا



تیرے شہر دے ذرے دی شان اگے سب توں وڈا پہاڑ دی رانی لگدا
تیرے جوڑیاں دی آقا دھوڑ اگے سارا طور وی صرف چوتھائی لگدا
جس دے سینے وچ عشق رسول ﷺ دا اے بھانویں کوئی ہووے ساڈا بھائی لگدا
کھا کے دیکھ مدینے دی خاک ناصر جس دا ذائقہ وانگ مٹھائی لگدا



بدل نور دے رم جھم لائی ہوئی میلی چادر زمین دی دھو رہیا اے
کرناں جن نے آپ وچھا دتیاں تارا تارا کھلار آج لو رہیا اے
چھیڑے ہوئے نیں مست ہوا نغے چمن پھلاں دی ونڈ خوشبو رہیا اے
سب کجھ دیکھ کے لگدا اے انج ناصر استقبال حضور ﷺ دا ہو رہیا اے



جس نوں پتہ اے سوہنے نیں آوٹاں ایں دل دے وہڑے دی کیتی صفائی رکھدا
ہانواں ہوکیاں دے سائبان لا کے محفل ہنجواں نال سجائی رکھدا
ناصر شاہ جو بندہ حضور ﷺ دا اے دل وچ آس نیں کدی پرانی رکھدا
ہاڑے اوس دے اللہ ضرور سن دا جیہڑا ہاڑے حضور ﷺ دے ہائی رکھدا



کویں عرش توں اگے حضور آگئے رولا رات معراج دی پئے گیا اے
سدرۃ المنتهی دی جوہ اندر جبرائیل سنیاں ایں قد میں ڈھیہ گیا اے
آقا چلے تے رہ گیا اوہ وہندا ساتھی راہ دا راہ وچ رہ گیا اے
سدھی صاف جہی گل ایہہ اے ناصر اللہ خود محبوب نوں لے گیا اے



درد اپنا آپ دکھائی رکھدا درد دل چ پیک نیں ہو سکدا
جس دا چہرہ مدینے نوں پھر جاوے توڑ جاندا اے بیک نیں ہو سکدا
ہووے عشق دے ہتھیں مہار جس دی عقل کولوں بلیک نیں ہو سکدا
ناصر فیر ابلیس جہئے لعنتی دا اوہدے اتے اٹیک نیں ہو سکدا



کملی والا جے کرم دی جہات پاوے سماں اپے ای نور دا بن جاندا
 قدم رنجہ حضور ﷺ فرماؤن جس دم کم ہر مجبور دابن جاندا
 یاداں جدے وچ رہن سرکار دیاں سینہ چشمہ سرور دا بن جاندا
 بندہ اوہو ای رب دا ہے ناصر جیہڑا بندہ حضور ﷺ دا بن جاندا



تیری یاد چ روندیاں رہن اکثر میری اکھیاں نوں دجلہ نیل کر دے
 موضوع عشق و محبت دار ہے چھڑیا جویں کیس چ بحث وکیل کر دے
 تیری آل اصحاب دا بنان نوکر ناصر شاہ دے نین اپیل کر دے
 توں تے تون این تیرے نواسیاں دا کملی والیا ادب جبرئیل کر دے



کھے ہتھ چ میرے اعمال تک کے روز حشر دا میرے لئی رات ہو گئی
 اینوں اج نہیں کوئی بچاؤن والا لوکاں وچ مشہور ایہہ بات ہو گئی
 آیا نعت دا جدوں سوال ناصر میری پیر تے روشن رات ہو گئی
 پڑھدا ساں میں نعتاں حضور ﷺ دیاں ایسے گل تے میری نجات ہو گئی



کملی والے دی پاک نعلین چم کے ذرے عرب دے بن کے طور چمکے
 نظر کرم حضور ﷺ دی جدوں اٹھی میرے دامن چ میرے قصور چمکے
 لے کے عرش توں فرش دی جوہ تیکر جدھر دیکھو حضور ﷺ دا نور چمکے
 کرم جتاں دے اتے حضور ﷺ کیجا ناصر شاہ اوہ بندے ضرور چمکے



اپنے پیار دے جام چوں گھٹ دے کے سینے غیر دا پیار نہ رہن دتا
مینوں میرے کریم نے گل لا کے میرے سراتے بھار نہ رہن دتا
اوہدا گاناں واں مرغ تے کھیر کھاناں قسمت وچ اچار نہ رہن دتا
ناصر شاہ نوں نعت دا فن دے کے کملی والے بیکار نہ رہن دتا



سورج لکھ افلاک تے چمکدا رہے لگدا نہیں سرکار دی تلی ورگا
میں تے ایس نتیجے تے پہنچیا ہاں عرش لگدا مدینے دی گلی ورگا
جیہڑا پتھر مدینے دا نظر آیا نظر آیا اوہ ہیرے دی ڈلی ورگا
ناصر شاہ کائنات اچ اونا ایس نہ کوئی نبی ورگا ناں کوئی علی ورگا



رڈے جس نوں عرب دا چن سوہنا اسیں اونہوں رجیکٹ ای پڑھنے آں
ول جس دے کڈھ لچپال دیوے اسیں اونہوں کریکٹ ای پڑھنے آں
کامل کاملاں نوں کہناں پئے جاندا کامل تائیں پرفیکٹ ای پڑھنے آں
بندے ازل توں عشق دے ہاں ناصر اسیں ایہو سبجیکٹ ای پڑھنے آں



بڑا وڈا امیر ہاں میں یارو کاسہ خالی کوئی میری طلب دا نہیں
میرا آقا ہر چیز عطا کردا بھاویں میرا سوال کوئی ڈھب دا نہیں
ازلوں ایہو ای عشق دا فیصلہ اے جیہڑا نبی دا نہیں اوہ رب دا نہیں
ناصر شاہ سرکار دا در چھڈ کے قسم رب دی رب وی لہجہ دا نہیں



عشق وانگ خوشبو دے پھیل دا اے اہدی کدی وی پکینگ نہیں ہو سکی
جیہڑا سیٹ نہیں در رسول اتے اہدی کتے وی سینگ نہیں ہو سکی
درد ملدا اے اللہ دے ولیاں نوں اہدی کتے بلیکینگ نہیں ہو سکی
ناصر حشر اچ نبی دیاں خادماں دی کسے جگہ تے چیکینگ نہیں ہو سکی



سدھا جوڑ کنکشن وچ طیبہ کھبے تار تے ڈی دی لوڑ کوئی نہیں
تالا کھولے گا جنت دا ناں اہدا ہور کسے وی کی دی لوڑ کوئی نہیں
چیف ہوؤنا حشر دا مصطفیٰ نہیں ہور وی آئی پی دی لوڑ کوئی نہیں
ناصر جتھے حضور نے بحث کرنی او تھے ایل ایل بی دی لوڑ کوئی نہیں



ایہہ وی ٹھیک اے عرش ہلا دتا ہو کا جدوں وی لب تک پونچیا اے
لوکی کہندے نیں سائنس دا فیض ویکھوالیں جگ وچ سب تک پہنچیا اے
ایہہ وی میناں عقل دے آسرے تے بندہ جین دے ڈھب تک پہنچیا اے
بازی لے گیا سب توں عشق ناصر لے کے بندے نوں رب تک پہنچیا اے



اوس پیسے دے بھاگ نیں برے جیہڑا صرف ذاتی مفاد تے خرچ ہندا
اکثر پیسہ گناہ ول ٹوردا اے جا کے برے سواد تے خرچ ہندا
پیسہ چنگا جو حج لئی خرچ ہووے یا فیر جیہڑا جہاد تے خرچ ہندا
ناصر اہدی تے شان ای وکھری اے جیہڑا پیسہ میلاد تے خرچ ہندا



انتظار رسول دے وچ جس دا اکثر دل دا جدا ساز ہونا
جو جو وچ اڈیکاں دے دن گزرے اونہوں اک اک پل تے ناز ہونا
میزبان رسول دا کہن جنوں جبرائیل دا کوئی ہماراز ہونا
جہدے بنے مہمان حضور ناصر خبرے کھڈا مہمان نواز ہونا



بوہے بوہے توں سنگناں بری گل اے بری چیز نیں کوئی سوال ورگی
ہستی دیکھی نیں ہو کریم ایسی بی بی آمنہ پاک دے لعل ورگی
دھیاں پتراں والیو ایہہ دسو ہے کوئی آل حضور دی آل ورگی
ناصر شاہ کئی صدیاں بیتیاں نیں سنی نیں اذان بلال ورگی



گر جے اندر ہزار اذان دیئے گرجا کدی میت نیں ہو سکدا
یارو دین تے گیت اچ فرق سمجھو نوحہ خوشی دا گیت نیں ہو سکدا
ناصر شاہ تے حق دی گل کرنی تماں کھنڈ دا میت نیں ہو سکدا
جہدی گود اچ اللہ دا یار کھیڈے اہدا شکم پلٹ نیں ہو سکدا



کناں سوہنا مدینہ ایں کیہ دساں روز وچ تصور دے آ رہیا اے
ایہہ تے شہر رسول دا معجزہ اے ذوق شوق بس ودھدا جا رہیا اے
مولا میریا ناصر نوں سوز دے دے ترلے بندہ جھوکنے پا رہیا اے
عرشاں والے وی عرش کرن گلاں گیت کون حضور دے گا رہیا اے



منزل اتے وسیلے بغیر کوئی نہ ای خاص پہنچے نہ ای عام پہنچے
جا کے طور تے رابطہ پیا کرنا موسیٰ کرن لئی جدوں کلام پہنچے
نمبر کوڈ تے فون بغیر اتھے کسے جگہ نہ کوئی پیام پہنچے
ناصر فون بغیر جے پہنچ سکدائے یا درود پہنچے یا سلام پہنچے



رحمت مولا دی پچھو آواز دیوے جد کوئی شخص قصور تک پہنچدا اے
پکی گل اے عشق جے پھڑے واگاں پہنچن والا سرور تک پہنچدا اے
جس دم عرض حضور تک چلی جاوے فوراً کرم مجبور تک پہنچدا اے
ناصر شاہ اوہ رب تک پہنچ جاندا جیہڑا بندہ حضور تک پہنچدا اے



کدوں کیناواں مل جائے تخت مینوں کدوں کہیا خزینے تک لے چلو
مینوں شوق نہیں لعلاباں تے ہیریاں دی نہ میں کہناں دینے تک لے چلو
جس دی چمک تے ہیرے نثار ہندے صرف اوس نگینے تک لے چلو
ناصر شاہ تے کرو بس اک نیکی جیوندے جیوندے مدینے تک لے چلو



دور دور حضور توں رہن والا کسے رنگ وچ ٹاپ نہیں ہو سکدا
حشر اندر حضور دے نال اہدا کسے جگہ ملاپ نہیں ہو سکدا
منزل ہووے مدینہ جے اے ناصر رستے اتے سٹاپ نہیں ہو سکدا
دی جاوے حضور دی شان جتھے ایسا جلسہ فلاپ نہیں ہو سکدا



اللہ والیاں کول اوہناں بیٹھنا کیہ جیہڑے لوک شیطاناں نوں من دے نہیں
 اوہتھے بھلا ایمان داکم کیہ اے جیہڑے دل بے ایماناں نوں من دے نہیں
 آج دے بندیاں توں مولا پناہ دیوے جیاں ہوئیاں دوکاناں نوں من دے نہیں
 ناصر شاہ اوہ کون نہیں سوچ تے سہی جیہڑے لیڈی ڈیانانوں من دے نہیں



ہووے جنی وی غماں دی رات کالی نال نور دے رپیے تے ٹل جاندی
 مشکل جیہڑی وی آوے پئی راہ اتے کملی والے نوں کہیے تے ٹل جاندی
 فوج بھکھاں تے دکھاں دی کرے حملہ بوہے آقا دے پیے تے ٹل جاندی
 ناصر شاہ ہر گھڑی مصیبتاں دی نام سوہنے دا لیے تے ٹل جاندی



مشکل ویلے حضور نوں سد ماریں مشکل آقا دوبارا نہیں آؤن دیندے
 جس دم چہرہ دربار دے دل ہووے سرتے بھارا وہ بھارا نہیں اون دیندے
 مرے آقا کریم لچپال سرور گردش اندر ستارا نہیں اون دیندے
 ناصر شاہ میں آقا دے گیت گانا آقا مینوں خسارا نہیں اون دیندے



ٹھاٹھ باٹھ سہانے تے تخت سارے نبیاں ولیاں دے سرور توں وار چھڈاں
 صوفے گدے امیراں تے تاجراں دے اہدے کھتھی دے بستر توں وار چھڈاں
 لے کے تاج سکندری جی کردا اپنے آقا دے نوکر توں وار چھڈاں
 ناصر عظمت زمانے دی پییاں دی زہرا پاک دی چادر توں وار چھڈاں



درداں نال جے بھی آواز ہووے اوہنوں جلد سرکار ایکسپٹ کردے
 جذبہ ہووے بلال دا وچ سینے نظر میرے حضور ڈائریکٹ کر دے
 اوچڑ راہ ہون جے منزلاں دے دور آپ سرکار ڈیفلیٹ کردے
 ایہہ تے نسبت حضور دی نعت دی اے ناصر شاہ دی لوک رسپیٹ کردے



کلا بعد وچ فیصلہ کریں بہہ کے پہلے عقل تے عشق دی جنگ دیکھیں
 دید واسطے کیہ کیہ کرن عاشق سڑ دے شمع دے اتے پتنگ دیکھیں
 آوے شہر محبوب دا جدوں نیڑے چلے اکھاں دے بھار ملنگ دیکھیں
 کملی والے توں خیر توں مگ ناصر تینوں مولا دے لگدے رنگ دیکھیں



پاک پتن فرید دے دم نال اے صدقہ داتا دا جیویں لاہور بنیاں
 جودی نوح دے نال منسوب جویں موسیٰ نال سی طور دا طور بنیاں
 صدقہ جیویں فاروق دی منصفی دا بے مثال خلافت دا دور بنیاں
 ناصر جدوں حضور تشریف لے آئے میرے ورگے غریباں دا شہور بنیاں



جے نہ سوہنا پسینے دا فیض وٹدا نرگس چمبے تے کلیاں کون دیندا
 نمہ نمہ حضور جے ہسدے ناں کرناں لشکاں تجلیاں کون دیندا
 جے ناں آپ ہندے طیبہ شہر دیاں سانوں سیر لئی گلیاں کون دیندا
 ناصر شاہ جے گندیاں مندیاں نوں سینے لا کے تسلیاں کون دیندا



مینوں پتہ سی دیکھ کے حال میرا میرے کولوں تے بلی وی بھجنے نہیں
بدل اٹھن گے جدوں اداسیاں دے آ کے میرے ای سراتے گئے نہیں
کون دھووے گا داغ بدکاریاں دے بخت کدوں غریب دے سجنے نہیں
ناصر شاہ نوں دسیا کلاماں نے تیرے عیب حضور نے کئے نہیں



پہلے رب دا نام چتر کے تے ہر اک کم دی میں تمہید کرنا
کملی والے حبیب دے آسے تے تیرے کرم دی ربا امید کرنا
گیت گانا واں غوث دے شہر دے میں غوث پاک دی نت پیا دید کرنا
اللہ من دا اے چھیتی گل ناصر ایسے لئی میں فرید فرید کرنا



گنگنا کے دیکھ تے سہی جھلیا کڈا نام سریلا حضور دا اے
سب توں اچی حضور دی ذات دس دی سب توں اچا قبیلہ حضور دا اے
کرناں چاہوے جے رب نوں کوئی راضی اکو حربہ تے حیلہ حضور ﷺ دا اے
ناصر اساں غریباں دے کول کی اے جیکر ہے تے وسیلہ حضور ﷺ دا اے



تینوں عشق دے بارے وچ کی دساں لہو پی جاندا تن کھا لیندا
انہوں لوڑ نہیں شابشاں تمغیاں دی ایہہ تے مٹی نوں سونا بنا لیندا
اسدی منڈی تے جیہڑا وکان آوے اپنی مرضی دے انہوں بھا لیندا
ناصر شاہ کوئی منے کہ ناں منے عشق خود توں خود منوا لیندا



جس دے وچ گستاخیاں ہوں بھریاں مدح نعت قصیدہ نہیں ہو سکدا
نظر کرم حضور دی رہوے جس تے ایسا بندہ رنجیدہ نہیں ہو سکدا
مولا جنوں بصیرتاں دے چھڈے دیدہ ور بے دیدہ نہیں ہو سکدا
ناصر شاہ جو چنگیاں کول پہندا اوہدا گندہ عقیدہ نہیں ہو سکدا



بوہے عقل دے دھون جھکاؤن والے حزل شمر لعین یزید ہندے
عشق نال جو رابطہ کرن پیدا سارے پیر مرید شہید ہندے
پیدانت نہیں پیراں دے پیر ہوندے نت نہیں چوراں دے بخت سعید ہندے
ناصر شاہ توں گل کر صدیاں دی پیدا روز نہیں بابا فرید ہندے



دل دے محل اچ گونج درود دی اے ہوٹھاں اتے سلام حضور دے نیں
صبح و شام غلاماں دی عید ہندی صبح و شام انعام حضور دے نیں
غیراں کدوں پریم دے جام پیتے اپنیاں واسطے جام حضور دے نیں
ناصر اتھے کوئی غیر نہیں آ سکدا ایہہ تے سارے غلام حضور دے نیں



کاہنوں یار اروڑیاں پھولنا ایں ہیرا کوئی خزینے چوں لبھدا اے
سدا لج لج پال ای پالدے نے پیار کدوں کینے چوں لبھدا اے
آجا درد دی تینوں دوکان دساں درد عاشق دے سینے چوں لبھدا اے
ناصر ایویں نہیں کملے ہوئے لوکی جووی لبھے مدینے چوں لبھدا اے



چارے یار حضور ﷺ دے وانگ پھلاں چارے رکھدے پھل خوشبو و کھری
تارے فلک تے جگمگ کرن بھاویں ایناں تاریاں دی دیکھی لو و کھری
شانناں والا اے کعبہ وی نیاں ایں رب دے گھر دی شان ہے گو و کھری
ناصر شاہ پر مینوں تے دس دی اے کملی والے دے روئے دی شو و کھری



چنگا اوہ اے جنہوں حضور ﷺ آکھن ہونئیں سکدا سوہنے توں وکھ چنگا
مریے عشق رسول دا دم بھر کے ذائقہ موت دا لویے چکھ چنگا
ہیرا جوہریاں واسطے قیمتی اے دولت والیاں نوں لگے لکھ چنگا
ناصر شاہ پر مینوں تے لگدا اے کملی والے دی گلی دا ککھ چنگا



کملی والے دے بوہے دے کھاٹکڑے بچیا رہویں گایاں توں فاقیاں توں
جھک دار ہیوں جے اس دربار اندر جھک دار ہوویں گا جگ دے جھاکیاں توں
او تھے صرف حضور ﷺ بچاونا اے تینوں قبر تے حشر دے ناکیاں توں
ناصر شاہ سرکار دے کرم ہاتھوں چھٹنی جان نہیں کدی دھاکیاں توں



مولا ایس دیوانے دی آرزو اے عمر نبی دی نعت اچ صرف ہو جائے
میرے بخت نال کرے جہان ریاں حاصل مینوں غلامی دا شرف ہو جائے
آکے دین مبارکاں عشق والے چہرہ میرا مدینے دی طرف ہو جائے
ناصر شاہ سرکار دے عاشقاں دی ٹکے آہ تے دوزخ وی برت ہو جائے



بیٹھا رہواں میں شوق دی سیج اتے لوے عشق دبوچ تے جس آ جائے
 نکا اکھ دا گیر کے دل والی لواں پھٹی جے پوچ تے جس آ جائے
 ناصر شاہ جے وقت اخیر آوے کملی والے دی سوچ تے جس آ جائے
 کملی والے دے بوہے دے تک ہووے میری کدی اپروچ تے جس آ جائے



جیہڑا مہکیا کر بل دی ریت اتے اوس سوئے گلاب دی خیر ہووے
 تیرے عشق اچ دھڑکدار ہووے جیہڑا اوس دل بے تاب دی خیر ہووے
 صبح و شام غلام دعا کردے صبح و شام جناب دی خیر ہووے
 ناصر شاہ نوں روضہ دکھاء اپنا تیری آل اصحاب دی خیر ہووے



ہتھ دی جیویں ہتھیلی اے جگ اندر اکھاں نال حضور پئے ویکھ دے نیں
 ہراک ذہن نوں وانگ کتاب پڑھدے ہر خیال حضور پئے ویکھ دے نیں
 قدم رکھیں سنبھال کے فرش اتے تیری چال حضور ﷺ پئے ویکھ دے نیں
 ناصر شاہ ایہہ پتھرتے لیک سمجھیں تیرا حال حضور پئے ویکھ دے نیں



لحظہ لحظہ حضور نوں خبر ہوئی جو جو دل بے تاب تے بیتیاں نے
 نبی اللہ دا جان دا بھیت سارے جہاں تدے دیو ایناں سیتیاں نے
 نوری محفلاں پاک میلاد دیاں جہاں کیتیاں دور پلعتیاں نے
 ناصر شاہ ایہہ کرم نوازیاں وی سوہنے عرب دے ڈھول نے کیتیاں نے



نور آیا تے روشنی پر کھولے صفاں آخر ہنیرے لپیٹیاں نہیں
جاہل جہاں نوں زحمتاں جان دے سن لیا سکھ دا ساہ اوہناں بیٹیاں نہیں
رہزن بن گئے رہبر رستیاں دے دتیاں چھوڑ ڈکیٹاں ڈکیٹیاں نہیں
من والیاں رحمتاں اے ناصر دوہاں ہمتاں دے نال سمیٹیاں نہیں



عبیاں نال جے ہووی سیاہ چہرہ دھو کے ہنجواں نال توں وائٹ کر لے
صرف عشق نے لاؤنی ایں پار بیڑی عشق نال توں دوستی ٹائٹ کر لے
عقل سدا خسارے ول ٹور دی اے عقل نال توں ڈٹ کے فائٹ کر لے
ناصر فیر توں مار نہیں کھا سکدا دل اچ عشق رسول دی لایٹ کر لے



آ جا کوئی حضور ﷺ دی گل کرے ایکشن نال ایکشن دی گل کرنا نہیں
ٹھور عشق دا کسے توں گھٹ تے نہیں کیہڑی ہو رستریکشن دی گل کرنا نہیں
کملی والے نے امتی چن لیا اے ناصر کیہڑی سلیکشن دی گل کرنا نہیں
چہرہ سدا مدینے نوں پھیر اپنا جے کر دل دی کریکشن دی گل کرنا نہیں



ذکر میرے حضور دا کرن والے سینہ رات ہنیری دا مون کر دے
مولا تیرے دربار چوں منگنے آں ساڈا شہر رسول نوں زون کر دے
کملی والے دی مٹھی آواز کولوں عاشق کدی وی اچی نہیں ٹون کر دے
دل دا ڈائیل گھما کے اوہ ناصر کملی والے دے ولے نہیں فون کر دے



نور و نور ہو جائے گا جسم تیرا روشن نور دے نال توں چسٹ کر لے
چنگیاں نال توں دوستی رکھ اپنی بخت سارے زمانے توں بیٹ کر لے
نقشے قدم حضور ﷺ دا نقش کر کے سارے پاس توں عشق دے ٹیٹ کر لے
ناصر عشق رسول دے قافلے وچ پہلے دل نوں ذرا ایڈھیٹ کر لے



کملی والے دی زلف دتا کولوں خوشبو منگ لئی پھلاں نظاریاں نہیں
کلی ابو ایوب دی ویکھ کے تے ادبوں سٹ لئی دھون چباریاں نہیں
سوہنا جدوں مدینے دے وچ آیا عید کیتی سی خادماں ساریاں نہیں
کملی والے دے جوڑے دی دھوڑ ناصر لائی منہ تے چن تے تاریاں نہیں



موسیٰ وانگ تقاضا جے کرے کوئی جلوے سوہنے دے ہو آہ شکار جاندے
ہووے عشق خلیلی تے سوہنہ رب دی شعلے اگ دے بن گلزار جاندے
ہووے قلب اویسی جے وچ سینے گھریں پیٹھیاں ہو دیدار جاندے
ناصر اوتھے سیاہیاں داکم کی اے جیہڑے پاسیوں لنگھ سرکار جاندے



کملی والے دی شان کی پچھناں ایں جتھے گریا پسینہ گلاب بنیاں
ابوبکرؓ جے آیا صدیقؓ بنیا حبشی آگیا تے ماہتاب بنیاں
جے عثمانؓ آیا ذوالنورین بنیاں علیؓ آیا تے ابو تراب بنیاں
کملی والے دے جوڑیاں نال ناصر ذرہ جو لگا آفتاب بنیاں



عیب کسے دے ویکھناں بری گل اے مست رہو بس اپنے حال اندر
ہندے چھیک ہزاراں بے شک بھانویں مچھی پھس جاندی آکے جال اندر
میاں خامی تلاش جے کر سکنا میں نظر مار اپنے اعمال اندر
قیمت اپنی آپ ہے دس دیندا حکمت ہندی اے ناصر ایہ لال اندر



بعضے کہندے نیں دلہند آمنہ دا افضل ہندا تے فلک توں تہاں ہندا
آیا تاہیوں اوہ عرش توں فرش ولے بھارا پلہ ہمیشہ ای ٹھہاں ہندا
آئیں نکلتے نوں سدا یاد دکھیں بشر ہندا تے سایہ وی تاں ہندا
ناصر کدی حلیمہ ول جاوندناں جے اوہ حامی غریباں دا ناں ہندا



دنیا اتے محبوب سی جدوں آیا صبح آ رہی سی رات جا رہی سی
بالکل کیتے خزاواں نے گول بستر ڈیرے آکے بہار جما رہی سی
جدے لئی تخلیق جہان کیتا قدرت اوہدا ظہور فرما رہی سی
ویلے صبح دے باغاں دے وچ ناصر شبنم پھلاں نوں وضو کروا رہی سی



نور پیر دے ویلے جہان اندر یارو دوہاں جہاناں دا پیر آیا
پہلے آدم توں جدی تخلیق ہوئی وٹدا نور سراج منیر آیا
جس دے لئی دعاواں خلیلؑ منگیاں بے مثال آیا بے نظیر آیا
ناصر شہنشاہ وی جدے ہن منگتے لے کے فقر دی نال جاگیر آیا



پیدا ہندیاں کیتیاں جن عربی ویکھو امت دے لئی سفارشاں نیں
کدی عرش تے کرن اپیل چلیا کدی غاراں دے اندر گزارشاں نیں
فضل کریں نہ عدل دے ول جائیں ایہو آرزو ایہو نگارشاں نیں
اوہدے حکم تھیں چلے ہوا ناصر جے اوہ آکھے تے ہندیاں بارشاں نیں



جیہڑی کشتی دا سوہنا ملاح ہووے اونہوں فیر طوفان نہیں گھیر سکدا
کملی والے دا ہووے غلام جیہڑا اونہوں دشمن کر نہیں زیر سکدا
جے اوہ چاہوے تے کلر زمین اندر چھٹے مار کے رجھتاں کیر سکدا
ہے ایہہ سوہنے دے موج دی گل ناصر جدھر چاہوے اوہ کعبے نوں پھیر سکدا



بڑا ناز ہے مینوں مقدر راں تے نعت خوان میں عرب دے ڈھول دا ہاں
لگے تخت سکندری ہیچ مینوں چڑھ کے جدوں سٹیج تے بولدا ہاں
میرے چہرے ول دنیا تکی اے نعت واسطے لب جد کھول دا ہاں
ناصر بڑا ای کرم لچپال دا اے سوہنا آ جاندا جدوں ڈول دا ہاں



زندگی نعمت اے اللہ دی شکر کریئے لکھ لکھ شکر بجاوناں چاہیدا اے
کملی والے دے جوڑے نوں چم کے تے سردا تاج بناوناں چاہیدا اے
مکن ساہ جے طیبہ دے شہر اندر رج کے جشن مناوناں چاہیدا اے
اون قبر اچ جے سرکار ناصر پھر تے موت نوں آوناں چاہیدا اے



شداں مداں جزماں زیر زبراں معنے سوچاں الفاظ خیال سارے
 حسن یوسف ستارے تے چن سورج حور و غلماں صاحب جمال سارے
 مایہ ناز مفکر ادیب عالم فقہا محدث کمال سارے
 آدم نوح خلیل کلیم عیسیٰ نبی ہین جتنے با کمال سارے
 ہیرے موتی مر جان یا قوت لؤلؤ مروارید زمرد تے لال سارے
 دشت و دمن پہاڑ دریا ندیاں جنت عرش تے فرش وی نال سارے
 لکھ لکھ پل تے دن راتاں ہفتے عشرے مہینے تے سال سارے
 میکائیل جبریل انسان کچھو قطب غوث قلندر ابدال سارے
 کرسی قلم تے لوح محفوظ ناصر تاج و تخت تے جاہ و جلال سارے
 جو کجھ ہے کائنات دے وچ یارو جلوہ جو وی نور دا نظر آیا
 لے کے کنڈا ایمان دا تولیا اے بھارا پلہ حضور دا نظر آیا



حکم دتا حلیمہ نوں آمنہ نے میرے کولوں توں میری بہار لے جا
 پڑھ بسم اللہ تے جھولی وچ پاتے سہی عرش اعظم دا شاہسوار لے جا
 بختاں والے بخت جگا اپنے کائنات دا ہار سنگار لے جا
 پالیں اس نوں نازاں دے نال ناصر عرشاں فرشاں دا تاجدار لے جا
 عرض کیتی حلیمہ نے ایس مینوں جدوں حکم دتا تے میں چلنا ایس
 میں کیہ ایس محبوب نوں پالنا ایس انہیں پالنا ایس تے میں پلنا ایس



اوس رات توں جان قربان کیا جس دم یاراں ملاپ سبحان اللہ
چڑھیا برق براق تے سج دھج کے اوہ یتیمیاں دا باپ سبحان اللہ
لگی ہوئی اے عرش عظیم اتے اوہدے جوڑے دی چھاپ سبحان اللہ
کر کے گل معراج دی رب ناصر بول اٹھیا آپ سبحان اللہ



اک دن پچھیا نبوت توں میں یارو بابے آدم دے اتے ای رک جاندی
اوتھوں چلیوں تے نوح دے کول آئی یا تے پھر خلیل تے مک جاندی
ذبح کول وی ملیا نہ چیم ہتینوں دامن وچ کلیم دے لک جاندی
یوسف کول وی لگا نہ دل تیرا عیسیٰ پاک اگے آ کے جھک جاندی
کہن لگی کہ جدی تلاش بیسی اونہوں تھاں تھاں دے اتے ٹول دی رہی
جدوں آیا مقصود نہ ہتھ میرے چلدی آئی تے گھر گھر پھول دی رہی
سرتوں پیراں تک معجزہ جو ہووے میں نے اس شاہکارنوں لہجہ دی ساں
لکھاں تاریاں چمک دکھائی بھانویں میں تے ماہ انوارنوں لہجہ دی ساں
آخر ملیا رسولاں دا شاہ مینوں ازلوں میں دی سرکارنوں لہجہ دی ساں
پہلے ملیا نہ ایسا محبوب مینوں نا امید ہو کے ڈانواں ڈول آ گئی
ناصر لگا مدینے وچ دل میرا چلدی چلدی حضور دے کول آ گئی



کدی پھول کے دیکھ قرآن اندر کوئی یار نے یار دی گل کیتی
کتے آکھیا زلف دی سوئہ مینوں کتے پاک رخسار دی گل کیتی

کتے کہیا ید اللہ نے ہتھ تیرے کتے اوہدی گفتاری دی گل کیتی
کتے اوہدی اسواری دی شان دی کتے خود اسوار دی گل کیتی
کتے امن دا شہر پکار کے تے اہدے پاک دربار دی گل کیتی
کدی اپنے کول بلا کے تے اللہ عرش توں پار دی گل کیتی
کتے اپنے کول بٹھا کے تے اللہ قابِ توسین دی گل کیتی
کتھے سینے نوں کہیا الم نشرح کتے حسن حسین دی گل کیتی
کیتی جدوں محبوب دی گل کیتی بالکل محیں طرفین دی گل کیتی
کتے کہیا سراج منیر اوہنوں کتے پاک نعلین دی گل کیتی
صدقے جاواں بے نیاز دے پیار اتوں تھاں تھاں دلدار دی گل کیتی
پے گئی جدوں دی گل دی کوڑ ناصر سوہنے نال پیار دی گل کیتی



دو مینوں ستاریوں گل کی اے کاہنوں زمین ول جھاتیاں مار دے او
لے کے شام توں صبح دے ہون تیکر دو کہڑی وچار وچار دے او
دنیا ساری اے سکھاں دی نیند سوندی تسیں جاگونوں مول نہ ہار دے او
سو کہڑی گواچی ہوئی چیز کچھے رات اکھاں دے وچوں گزار دے او
ڈنگیا تہانوں وی کسے دی یاد شاید موتی یا فیر کسے دی اکھ دے او
انج لگدا اے جویں رات ساری تاہنگ تسیں وی کسے دی رکھ دے او
یکدم سارے دے سارے پکار اٹھے قصہ گزریا یاد کرا چھڈیائی
پندراں صدیاں بعد اج فیر ساڈے نمک زخماں دے اتے لا چھڈیائی
ستے درد دے سازنوں چھیڑ کے تے سانوں فیر آزمائش وچ پا چھڈیائی

ایہو جہیا اج سخت سوال کیتائی دکھی دلاں نوں ہور دکھا چھڈیائی
 کہن لگے معراج دی رات بیسی اساں سنیاں حضور نے اوٹاں ایں
 جسدے نور تھیں ہوئے جہان پیدا اوس فیض گنجور نے اوٹاں ایں
 اوس ماہ انوار دے رستیاں وچ اوہدے استقبال لئی جاگدے رہے
 اللہ پاک دی جنہوں سلام بھیجے اوس ابر کمال لئی جاگدے رہے
 جدی کوئی مثال نہیں ہو سکی اوس بے مثال لئی جاگدے رہے
 بھیک لینی سی سوہنے دی جلویاں توں بس ایس خیال لئی جاگدے رہے
 آخر ہوئی مقبول دعا ساڈی دھماں ستاں آسماناں تے دھم گھیاں
 کمرل پوش محبوب سی جدوں لنگھیا جتیاں اساں وی اوہدیاں چم لیاں
 اوسے دن توں نیندراں اڈ گھیاں لذتاں اوہ دیدار دیاں چکھیاں نہیں
 سوہنا فیر شاید کسے رات لنگھے اوسے رات توں تاہنگاں ایہہ رکھیاں نہیں
 حشر تیک نہ سون دی سوہنہ کھاہدی سینے وچ چنگاریاں بھکھیاں نہیں
 جیہڑے ستے اوہ یار گوا بیٹھے ایسے وجہ توں کھولیاں اکھیاں نہیں
 ڈنگے ہوئے جو یار دی زلف دے نے کدوں نیند انہاں تائیں آوندی اے
 تینوں پتہ نہیں سوہنے دی یاد اکثر ستیاں ہویاں نوں آن جگاوندی اے
 سینے جدوں فراق تھیں جل اٹھدے لوکی آکھدے چمک ستاریاں دی
 اٹھے پھر بدینے دل تھکنے ہاں ایہو ہے گزران وچاریاں دی
 اوہدی دید دے باجھ دوا کوئی نہیں نیناں تسیاں رو رو ہاریاں دی
 متاں کسے دن سنی دعا جاوے اساں سکدیاں دردواں ماریاں دی
 اوندی جدوں وی رات ستائیسویں دی جاگ دلاں اندر ایہہ امنگ جاوے
 قسمت جاگ پئے ساڈی ضرور ناصر سوہنا فیر اک وار جے لنگھ جاوے

حضور ﷺ انصاری دے گھر

سجایا گیا انج مدینہ ہے سارا
امیراں غریباں نے انجہ ذوق لیتا
وچھائیاں نہیں راہواں چ اکھیاں غلاماں
وچھائیاں انہاں پر تکلف نہیں سبھاں
ادھر غم چ ڈیا سی غمگین دا گھر
غریباں دا سی اوہ مدینے محلہ
سی محروم چائن توں وی اس دی کلی
محبت دے اتھرو لٹاؤندا سی مڑ مڑ
سی گو وقت دا ہور دیکھن چہ تیور
تے آکھے مقدر بدل مولا میرا
فر آپے ای سوچے کہ ہے کم نصیبی
کتنوں ہون گے بخت میرے سولے
اچانک پکار اٹھی سی خلق ساری
صدا طیبہ وچ مرحبا گونج اٹھی
کوئی جا کے کہندا کرم ہن کماؤ
ایہہ سن کے گئے کھل سرکار دے لب
اہدی ہووے گی سن لو مقبول عرضی
ایہہ سن کے فضاواں رنگ آمیز ہویاں
ہر اک دے دل وچ ایہو سن ارادے

کہ ہے آون والا نبی ﷺ اج پیارا
کہ گلایاں چ عطراں دا چھڑکاؤ کیتا
کہ آ رہے نہیں ہادی خراماں خراماں
بنایاں اوہدے بیٹھنے لئی سلجیاں
سی نوحہ کناں اوس مسکین دا گھر
سی بیٹھا غریب اک وچھا کے مصلیٰ
اہدے گھر سی بیٹھن دے لئی اک نہ جلی
دعا دے لئی ہتھ اٹھاؤندا سی مڑ مڑ
اہدے کول پھی محبت دا زیور
کہ پاوے چا سوہنا میرے گھروں پھیرا
ہیں بے زر نکماتے ظالم غریبی
اوہ تشریف لے آوے دکھیاں دے ولے
کہ آ گئی مدینے نبی ﷺ دی سواری
سلاماں تھیں ساری فضا گونج اٹھی
میری کلی نوں عرش اعلیٰ بناؤ
دو عالم دے مختار غم خوار دے لب
جتھے ہووے گی میری ڈاچی دی مرضی
سکھے دھڑکناں دل دیاں تیز ہویاں
الہی میرے بوہے ڈاچی بٹھا دے

اوہ چلی جدوں سبھے گلاں نوں چھڈ گئی بلند پر شکوہ سب محلاں نوں چھڈ گئی
 غریبی زمانے چوں نمبر ہے لے گئی اوہ ایوب دے جا کے بوہے تے بہہ گئی
 اچانک اوہدی بیوی اونہوں ہے کہندی ہے ساڈے بوہے شور یا بھل ہے پیندی
 حقیقت ہے یا کہ مقدر نیں بھلے عجب خوشبواں دے پئے اوندے نیں ہلے
 نہ جانے طبع کاہنوں مسرور ہو گئی ہے رنج جاپدا کلی پر نور ہو گئی
 توں وی اپنے ازمائے اج لیکھ جا کے ہے بوہے تے کی شورتوں ویکھ جا کے
 اہدی گل سی سن کے تے ایوب دوڑے سی دامن خیالاں تے فکراں نیں چھوڑے
 اوہ نکلے جدوں بنھ کے چاہت داسہرا نظر آ گیا سی نبی ﷺ جی دا چہرہ
 تے بیوی ہنوں کہندے سرور آ گئے نی ذرا دیکھ تے سہی حضور ﷺ آ گئے نی
 نبی ﷺ میرے ناصر حقیقت نوں پٹیاں بجائے محلاں دے کلی نوں چنیاں

عشق

اک دن پچھیا عشق توں دس عشقا تیرے عین نیں مونہہ کیوں کھولیا اے
 اوہنے کہیا کہ اوہدے توں ڈر لگدا اے جیہڑا غین دے سرأتے بولیا اے
 ایسے نکلتے دے سارے ہین رو لے جنیں غین نوں در در رولیا اے
 ایہو نکلتے عین توں غین کردا سدا غین ازمائش وچ ڈولیا اے
 دغا سر توں غین جے لاہ دیوے سوہنہ رب دی فیر دعا بن دی
 لکھن وچ نیں عین تے غین اکو نکلتے پائیے تے ہور بلا بن دی
 مونہہ عین دا غیر نوں کھا جاندا ارشین دے فیر صفائی کردے
 باقی جو کچھ بچدائے فیر اگے ارقاف دے دل سپلائی کر دے
 فرقاف دے پیچ دی پیچ کے تے پوری اپنی زور آزمائی کر دے

غین اڈے تے عین دی نگری وچ جلوے عین دے تہ روشنائی کردے
 نکتے کولوں جے مجرم بچ نکلے جھنڈا محرم راز دا جھل جاندا
 پٹھوں جرم دے ویکھ مٹا نکتہ سدھا حرم لئی رستہ کھل جاندا
 ایہو غیر اے جد تک رہوے اندر آکھے عقل دے لگ کے بھل جاندا
 لکھن وچ نہیں شیرتے شیر اکو ہووے سامنا عقدہ کھل جاندا
 کناں نکلتیاں پایا ہنیر ناصر غور کر توں لفظ شام اتے
 نکتے وچ جے ہندا کمال کوئی ہندا سوہنے محمد دے نام اتے



کاہنوں طور دی سیر عاشق تینوں تک لے نور تجلی قرآن وچ اے
 دس دس نیکیاں اک اک حرف بدلے کڈا سودا سولا قرآن وچ اے
 جتھے ابراہیم دا پیر لگا جے توں ویکھیں مصلیٰ قرآن وچ اے
 پچھنا چاہویں جے سوہنے دا پتہ ناصر لکھیا صاف من اللہ قرآن وچ اے
 اوہدے ہتھاں نوں اللہ دے ہتھ آکھو کیوں جے لکھیا ید اللہ قرآن وچ اے
 علم کلی دیا منکرا کھول اکھاں آدم واسطے کلا قرآن وچ اے



ربا تیرا تے کوئی مکان ہے نہیں فیر لا مکان دا راز کی اے
 عرش اعظم نوں خوب شہکار کے تے سوہنے تائیں بلان دا راز کی اے
 جبرائیل امین دے لب نوری تلیاں اتے ٹکان دا راز کی اے
 جنت وچوں براق تیار کر کے بوہے اتے لے جان دا راز کی اے
 میکائیل جیسے اعلیٰ فرشتے توں ایہہ رکاب پکڑان دا راز کی اے

اپنے یار دلدار نوں سد کے تے اذن منی اعلان دا راز کی اے
 آئی ندا کہ عرش شدگار یا سی اوہنوں اوہدا ای وطن دکھاوے لئی
 ہسی کیتا سوار براق اتے نور بشر دا جھگڑا مٹاؤنے لئی
 جبرائیل نے جمیں سی پیر تاہیوں اوہدی امت نوں ادب سکھاوے لئی
 میکائیل نے تاہیوں رکاب تھامی عربی ڈھول دے ناز اٹھاوے لئی
 لن ترانی سی موسیٰ دے لئی ناصر اذن منی تے شان حضور ﷺ دا اے
 موسیٰ طور دی حد نہ لنگھ سکیا لا مکان مکان حضور ﷺ دا اے



اڈ کے زمیں توں چن تے جا اپڑی ہے انسان دی عقل سلیم دی حد
 ماری چھال تے چتا گلزار ہو گئی ڈٹھی پیار چچ ابراہیم دی حد
 رب ارنی موسیٰ پکار اٹھیا ہسی طور تے موسیٰ کلیم دی حد
 ادھر جبرائیل سمیت ناصر کوئی دے خاں دُر یتیم دی حد



عالم فاضل محقق زمانیاں دے سہرے آون تحقیق دے لا کے تے
 سخن ور اشعار دیاں ڈالیاں نوں پیش کر دے رہن سجا کے تے
 ساری زندگی رہن بیان کر دے واعظ اپنا رنگ جما کے تے
 قیامت تیک زمانے دے کل دانے دیکھ لین خاں زور ازما کے تے
 اک لکھ تے کئی ہزار مرسل تھک ہار گئے کوئی نہ بول سکیا
 پہلا گھنڈ محمد ﷺ دی میم والا ناصر اے تائیں کوئی نہیں کھول سکیا



برقعہ بشری اتار کے چن عربی سر عام ہے لا دربار دیندا
ہندا فیر کلیم بے ہوش اتھے یوسف دیکھ کے سب کجھ وار دیندا
میکائیل دے دم نال بن جاندی جبرائیل دی سٹ ہتھیار دیندا
ناصر دیکھیں حدیث تے ست پشتاں مڑھکا میرے حضور ﷺ دا تار دیندا



کالے منہ تے کالے اعمال نالے چھٹے رحمت دے پین تے دھل جاندے
یوسف دیکھ کے انگلیاں جان کٹیاں ایدھر سودے نیں سراں دے تل جاندے
جے اوہ اپنی زلف بکھیر دیوے سورج چن تارے لشکاں بھل جاندے
ناصر کی دے اوہدی شان جتھے دیوے عقلاں دے ہو گل جاندے



کملی والے محبوب دے پیار باہجوں ساڈے کم معقول نیں ہو سکدے
نفل حج زکوٰۃ نماز روزے بے شک کدی مقبول نیں ہو سکدے
اہدی پیروی باہجھ تے نفس اتے لاگو زریں اصول نیں ہو سکدے
ناصر جدوں تائیں راضی نہ آپ ہوئے ساڈے عمل قبول نیں ہو سکدے



نور آیا جہان دل رب دلوں جیہڑے ہین مغضوب نیں دیکھ سکدے
انہاں اُنھیاں ڈٹھا کی جگ اندر جیہڑے خواہاں دا خوب نیں دیکھ سکدے
اک وار لا لیندے نیں دل جتھے عاشق فیر عیوب نیں دیکھ سکدے
درشن اپنیاں نوں سدا ہون ناصر ابو جہل محبوب نیں دیکھ سکدے



صدقے جاواں میں در حبیب اتوں جتھوں کوئی وی نہیں محروم جاندا
چم کے خاک مدینے دے بٹیاں دی پاپی جگ دا بن مخدوم جاندا
بھانویں جتھے کوئی سوہنے نوں سد مارے اونہوں طیبہ وچ ہو معلوم جاندا
ہے ایہہ سنی دی خاص پہچان ناصر جد وی نعت سنائیے تے جھوم جاندا



کملی والے دا ذکر اذکار کرناں ایہہ وی دال اے چنگے نصیب اتے
عیباں والا حبیب نہیں ہو سکدا تاہیوں نکتہ نہیں لفظ حبیب اتے
جیہڑی کرے حضور ﷺ توں دوہ تینوں لعنت بھیج توں اس تہذیب اتے
کوک میری اوہ طیبہ وچ نہیں ناصر کیڈا کرم ایں اوہدا غریب اتے



اینویں کملیا فتوے لائی جانائی ہتھوں ساقی دے مئے توں پیتی ای نہیں
سولی اتے منصور نہیں کی ڈٹھا تیرے نال کہانی اوہ بیتی ای نہیں
نیتی ہوئی نہیں فیر قضا ہوندی نیت نال توں ظالماں نیتی ای نہیں
تابع ہووے نہ ناصر حضور ﷺ دے جو پیدا رب نہیں چیز اوہ کیتی ای نہیں



کملی والا دو عالم دیو چ یارو مایہ ناز تخلیق ستار دی اے
پیدا کر کے ناز فرمان والی ذات سوہنے تے پروردگار دی اے
جے اوہ کرے اشارہ تے سوہنہ رب دی جرات کسے نوں کدوں انکار دی اے
سوہنا وحی دا نہیں محتاج ناصر بلکہ وحی محتاج سرکار دی اے



کیا رب مختار بے شک اوہنوں حاکم کل کائنات دامن دے آں
من رآنی دے ول جد غور کرے مخزن کلی صفات دامن دے آں
رب توں بعد عظیم ایں ساریاں توں سید کل سادات دامن دے آں
ناصر کون حضور ﷺ نوں رب کہندا اسیں مظہر ذات دامن دے آں

چن دا چراغ

دن نوں تیراں تے رات سی چودھویں دی جو بن چن اتے پورے پور داسی
تارا کوئی کوئی اکھیاں کھول داسی پہلا پہر تے وقت سرور داسی
زیور زریں سجا کے رات چمکی سماں اتریا زمیں تے طور داسی
پیلی رنگت دیوچ ملبوس ہو کے ہسی چن کہ مکھڑا حور داسی
پورے غور دے نال جد ویکھیا میں میری سوچ نہیں جمع خیال کیا
پچھاں فلسفہ چن توں داغ والا اپر تکیا تے نالے سوال کیا
کھڑا ہو کے زمین تے کہن لگا نور و نور تے ابر بہار چناں
تیرے حسن دی داد نہیں دے سکناں رنج کے سوہنیا عالی وقار چناں
خورے آپ اوہ کیڈا حسین ہونا دتا تینوں اے جنہیں نکھار چناں
کدی گھنڈا ایں کدی ودھنا ایں پورا ہونا کیں ادھ وچکار چناں
شرقوں چڑھ کے غرب ول دوڑ پینا کیں نینداں راتاں دیاں پیا گالناں ایں
ایس گل داتیتھوں جواب سنگناں کہدا داغ لے کے کنوں بھالناں ایں
کہن لگا معراج دی رات ہسی اس گل دا جاں مینوں سراغ لگا
کملی والے حبیب نے گزرنا ایں اوہدی دید دامن وچ باغ لگا

کئی منزلاں اے میں دور پسماں جدوں جان اوہ روشن چراغ لگا
 جدوں آیا محبوب نہ نظر آیا تن جل گیا من وچ داغ لگا
 کہیا تاریاں چناں نصیب تیرے ڈٹھا خالق دا لنگھدا یار اساں
 کملی اوڑھ کے آیا تے گیا واپس اصل نور دی ویکھی بہار اساں
 چن رو پیا داغ پچھان میرا میتھوں میرا ہن حال کی پچھنا ایں
 کملی والے حبیب دی دید باجھوں دکھی من دی چال کی پچھنا ایں
 سینہ جلد اے لوکی چن کہندے میتھوں میرا خیال کی پچھنا ایں
 اہدی شان میں کراں بیان کوں میری کی اے مجال کی پچھنا ایں
 ایہو آس لے کے ناصر چڑھنا واں کملی والے دا آج دیدار ہوسی
 شرقوں چڑھ کے غرب ول جا ڈبنا سوہنا خورے غرب توں پار ہوسی



اوہدے کرم دا سارا کرشمہ اے ہووے قرن والا خلیب ہووے
 پہلا خاصہ نبوت دا ہے ایہو نبی ﷺ اللہ دا جان دا غیب ہووے
 اُہدا بولنا رب دے بولنے دی پوری یار تفسیر لا ریب ہووے
 ناصر اوہ محبوب نہیں ہو سکدا جدے وچ کوئی کمی یا عیب ہووے

رحمت

رحمت ہون لئی شرط ایہہ لازمی ایں جے کوئی سدے تے چل کے آ سکے
 کناں نال فریاد نوں سن کے تے اکھاں نال ملاحظہ فرما سکے
 ہووے خود مختار مصیبتاں چوں پھسیاں ہویاں نوں آ کے چھڑا سکے
 رحمت اوہنے کی کرنی ایں اے ناصر جیہڑا درد نہ آ کے وٹھا سکے

ثابت ہو یا حضور ﷺ نے عین رحمت مشکل ویلے اوہ سن دے پکار وی نہیں
دکھاں کولوں بچاؤنے لئی اکثر سن دے دیکھ دے نہیں خود مختار وی نہیں

معراج

سورج ڈب گیا سستی اے کل دنیا چن اوں گیا اے خورے اوں گیا اے
عرش اعظم سمیت زمین ولے منہ اہل افلاک دا بھوں گیا اے
سدا لے کے روح الامین آیا تے ابلیس دا محل دھروا گیا اے
اگے جاگدا سی ساری رات سوہنا چادر تان کے اج اوہ سوں گیا اے
مولّا بے پرواہ سی ذات تیری اج بے پرواہ محبوب ستائے
ثابت ہندا اے پیار دیاں منزلاں نہیں طالب جاگدائے اوہدا مطلوب ستائے
میںوں آیا جواب توں جان دا نہیں جڈی شان ہووے اونا مان ہندا
میرا اوہ محبوب ہے پھر اٹھے جیہڑا روح الامین دربان ہوندا
جیہڑی جگہ تے ڈیرہ اوہ لا دیوے اوہ سے جگہ تے نازل قرآن ہندا
اوہنوں دیکھ دا جو میںوں دیکھ دا اے اوہدا بولنا میرا بیان ہندا
بھانویں روز راتیں میرے کول ہندا ناصر دیکھنے دی میںوں تس رہندی
بے پرواہ نہ ہووے محبوب جے تائیں کسے پیار دے اندر نہیں جس رہندی



جد وی نعت لئی قلم اٹھاوندا ہاں اوہدے ذکر اندر وال وال ہندا
میںوں اینویں نہیں اوہدا خیال اوندا بلکہ سوہنے نوں میرا خیال ہندا
میں نکما کجا بیکار پانی لکھاں نعت نہیں پیدا سوال ہندا
ناصر میں کی میری اوقات کی اے اوہدا کرم میرے نال نال ہندا



لے کے اتھر وندامت دے پیش کرناں اوہدی جدوں دی یاد ہے آ جاندی
انج لگدا اے ٹھاٹھاں مار کے تے رحمت کرن آباد ہے آ جاندی
گنبد خضریٰ نال ٹکرا کے تے میری جدوں فریاد ہے آ جاندی
ناصر میرے خیال توں وی پہلے میرے لئی امداد ہے آ جاندی



میرے درگاتے او گنہار کوئی نہیں جدوں ہتھ بن کے اعتراف کیا
اوسے ویلے سرکار نے کرم کر کے عیاں میریاں دا کھاتہ صاف کیا
بار بار کوچ کوچ کیتے، بار بار لچپال نے معاف کیا
کئی وار تصور دے وچ ناصر روضے پاک دا جا کے طواف کیا



اونہوں کسے خریدنا کی اتھے جیہڑی جنس بازار دے وچ کوئی نہیں
اوہدی سچ دھج کسے نہیں دیکھنی کیہ جیہڑا موتی وی ہار دے وچ کوئی نہیں
ایویں رتبے ملن نہ جگ اندر خوبی جے کردار دے وچ کوئی نہیں
جویں ناصر امام ہے وچ تسبیح پر کسے شمار دے وچ کوئی نہیں



جدوں یاد مدینے دی آ جاندی نہ ای بیٹھ ہندا نہ ای سون ہوندا
راہی کرن سرگوشیاں راہ جاندے بیٹھا کون کر کے نیویں دھون ہوندا
گھٹدا ودھدا رہندہ اے دل میرا کدی ہے دونا کدی پون ہوندا
تیرے کرم دا ناد پیا وجدا اے مینوں کون جانیں ناصر کون ہوندا



جیہڑا پھل وی پھل کے پھلدا اے اوہدا رابطہ شاخ تھیں کٹ جاندا
دم آخر بلبلے سبق دتا جیہڑا پھلے ہو چوڑ چپٹ جاندا
جویں چودھویں توں پچھے جن فلکی آپے گھٹ دا گھٹ دا گھٹ جاندا
ناصر شاہ بس ایہو ای سمجھ لے توں جدوں پھلے غبارہ تے پھٹ جاندا



جے کوئی آکھے حضور ﷺ نوں جن ورگا حق دا اس دے کول معیار وی نہیں
سچ پچھو تے سورج تے جن تارے اوہدے اک جلوے دی مار وی نہیں
خالق نہیں مخلوق ہے سونہہ رب دی ایس گل توں مینوں انکار وی نہیں
ایہو جہیا سوہنا پر ایس کائنات اندر ناصر خلقیا پروردگار وی نہیں



اپنے خاص محبوب نوں بھیج کے تے ساڈے اتے احسان خدا کیتے
لیکے فرش توں عرشیاں ساریاں نہیں سجدے پئے کے شکر ادا کیتے
توں تے گل انساناں دی کری جانا نہیں رب خود میلاد بپا کیتے
اوہدے آون دی خوشی دے وچ ناصر اللہ سبھ نوں پتر عطا کیتے



ڈٹھا شوق غربی نوں ویکھیا نہیں سوہنے دانی حلیمہ دی لج رکھ لئی
لے کے لقب جہان دیاں رحمتاں دا بے کس عاصی ایشیاں دی لج رکھ لئی
کر دے گئے سن بنی رسول جیہڑے سوہنے انہاں سکیمیاں دی لج رکھ لئی
ہو کے در یتیم حضور ناصر قیامت تیک یتیمیاں دی لج رکھ لئی



اک لکھ تے کئی ہزار وچوں کملی والا اے ہمہ صفات لگدا
جے میں ویکھاں: حسیناں دے نگر اندر مینوں اوہ فخر کائنات لگدا
جے میں ویکھاں حضور ﷺ دارخ انور اوہدے سامنے دن وی رات لگدا
ناصر اس کائنات دا حسن سارا اوہدے حسن دی مینوں زکوٰۃ لگدا



میرے عرب شریف دے چن ورگا کوئی صاحب جمال نہیں ہو سکا
بلکہ سارے زمانے دے شاعراں دا ایذا سوہنا خیال نہیں ہو سکا
اوہدا ثانی تے ایس کائنات اندر کوئی مائی دا لال نہیں ہو سکا
ناصر اوہدی مثال تے اک پاسے پیدا دوجا بلال نہیں ہو سکا



دوہاں عالماں وچ اوہدی جگہ کوئی نہیں چنگا کھا کے جو بولدا مندا ہووے
اونہوں دین سلامیاں دونویں عالم جیہڑا اپنے یار دا بندہ ہووے
اوہدے نام تھیں ملے رہائی فوراً بھانویں گل وچ پھانسی دا پھندہ ہووے
ناصر سینے اوہ اوہوں وی لالیندا جیہڑا سارے جہان توں گندہ ہووے



جے توں پار پلے نوں جان دا نہیں اینویں روز بنانہ گھنے بلی
درلے درلے پیر شبیر ورگے مائیاں جگ اتے لال جے بلی
اکثر بلی پلے نوں لیک لا کے بیڑی بوڑ دیندے بلی سنے بلی
ناصر مان کاہدا تینوں بلیاں دا تیرے جے سرکار نہ بنے بلی



ہین دونویں ہم نام پر سوچئے تے فرق دوہاں اندر آ شکار ہندا
اک امام ہندا وچ تسبیح دے جہدا نہ کوئی ورد شمار ہندا
اک امام ایں ہندا جماعت آگے پچھلے ساریاں دا اوہ سردار ہندا
ناصر ناں دے دونویں امام نیں پر اک بیکار ہندا اک سردار ہندا



دنیا ساری دے شاہی دربار آقا تیرے اک دربار دی شان دے نیں
رتے رب تینوں جیہڑے دے چھڈے قطعاً اوہ محتاج بیان دے نیں
کویں جاوے کوئی عرش تے وانگ تیرے ایڈے حوصلے کسے انسان دے نیں
تیری شان دی حد کوئی کی دے ناصر اوہ تے فرشتے وی جان دے نیں



اوہدی شان نیں کسے توں ختم ہوئی کورے کاغذ تے ردیاں مک گھیاں
اوتھے انہاں دواتاں نوں کون پچھ دا جتھے چلدیاں ندیاں مک گھیاں
جدوں اوہدے دربار تے اپڑیا میں میرے جرم تے بدیاں مک گھیاں
دسدیاں دسدیاں سوئے دی شان ناصر خورے کیناں صدیاں مک گھیاں



نور منیاں جسے حضور ﷺ تائیں اوہدے چہرے دے اتے وی نور آیا
اونیں نیکیاں دی بنھ پنڈ لئی اے لے کے جیہڑا وی اتھے قصور آیا
تینوں سنیاں لکھاں مبارکاں نیں تیرے حصے وچ رحمت دا پور آیا
ذره ذره پیا دیوے گواہی ناصر محفل وچ محبوب ضرور آیا



کوئی تے بولدا اے ایسے تابوت اندر جدی وجہ توں جاگے نصیب میرے
سارا کرم اے اوس کریم دا اے بن گئے دوست امیر غریب میرے
زندہ ہوں دا دتا ثبوت یارو اوکھے وقت وچ آ کے حبیب میرے
نیڑے اپنی تے جان وی نہیں ناصر کملی والا اے جتاں قریب میرے



سماں بدلیا بلبلان راگ چھیڑے دوزخ ٹھر گئی جنت سجائی گئی اے
ثابت ہندا اے آ گیا دنیا وچ جدے لئی کائنات بنائی گئی اے
بولن لگ پئے اج چوپائے سارے کعبے کولوں تعظیم کروائی گئی اے
نعت عظمیٰ اج دی رات ناصر بی بی آمنہ دی جھولی پائی گئی اے



عربی ماہی نہیں میرے چپے عاصیاں نوں کملی پاک چ کج کے تاریا اے
جے کوئی ڈٹھا گمراہی دے ول جاندا اوہدی رحمت نہیں بھج کے تاریا اے
ہے ایہہ میوے کریم دی موج ناصر جدوں تاریا گج کے تاریا اے
صدقے جاواں لچپال دے تارنے توں جنہوں تاریا رنج کے تاریا اے



جدے پاک پسینے دی مہک وچوں دوہاں عالماں دا گلستان بنیا
جدی پیروی باجھ جہان اندر کوئی بندہ نہ صاحب ایمان بنیا
حکم جے سرکار فرما دتا ہر اک پتھر وی صاحب زبان بنیا
جے اوہ بولیا رب دی سونہہ ناصر یا حدیث بن گئی یا قرآن بنیا



پہلے ب بسم اللہ قرآن اندر ختم جا کے سین تے نصن ہو گئی
عشق والیاں رمز پچھان لئی اے دو بے ٹولے توں گل بے وس ہو گئی
جدوں ب تے س دا جوڑ کیا دونی ذوق تے شوق دی جس ہو گئی
گویا رب نے کیا اعلان ناصر جا سوہنیا تیرے تے بس ہو گئی



من کے نبی ﷺ تے کڈ دا اے عیب جیہڑا ایہو جیسے غدار دی گل نہ کر
جے نہیں تینوں توفیق درود والی لے کے نام سرکار دی گل نہ کر
جے اوہ ملے خزانواں دے وچ مینوں میرے کول بہار دی گل نہ کر
وضو ہاتھ زبان دے نال ناصر اوہدے پاک دربار دی گل نہ کر



من والیو نور حضور ﷺ تائیں آؤ فیر اج نور دی گل کرے
طور خود مشتاق حضور ﷺ دا اے کاہدے واسطے طور دی گل کرے
حوراں والا ای ساڈا جے بن جاوے سانوں لوڑ کی حور دی گل کرے
ناصر شاہ ہے جان عبادتاں دی آؤ سارے حضور ﷺ دی گل کرے



بلبل نوحہ کناں سی باغ اندر یکدم سوچ آئی گنگنا اٹھی
باد صبا مدنیوں جدوں اپڑی نس نس بوٹیاں دی جھمر پا اٹھی
غوطہ خوری تخیلاں آن کیتی میری سوچ دی سوچ دی گا اٹھی
کون آیا زمانے دے وچ ناصر ہستے پھل تے مہک فضا اٹھی



ایویں کرم جنیں ہو یا معلوم ہندا
میںوں میرے خیال نے کہیا چپ کر
حال حال دی ہن نہیں لوڑ کوئی
لبھدا پیا نئیں الفاظ توں ایجے ناصر
میرا حال اوہ کدوں داسنی بیٹھائے
ایہہ خیال اوہ کدوں داسنی بیٹھائے
تیری کال اوہ کدوں داسنی بیٹھائے
پر سوال اوہ کدوں داسنی بیٹھائے



جاہل جاہلاں دا ابو جہل شقی
آکے میرے کریم دے بوہے اتے
ترا رب نہیں آج تک نظر آیا
نظر اوندے نہیں میرے تے رب عارے
میرے آقا نے منگی دعا مولا
میرے واسطے حکم ہے کیہ تیرا
حکم ہو یا کہ سوہنیا جدوں تینوں
عرض کیتی ہے بت کدہ یا مولا
ہو کے نبی تے بتاں دے ول جاواں
حکم ہو یا توں پیر تے پا او تھے
دو جے دن بے ایمان نے پھر آکے
تری شرط قبول ہے چل چلے
لگا کہن حضور نوں ٹھہر جاؤ
نبی اج بت خانے وچ آ رہیا اے
نت روز حضور کول آؤندا سی
بڑے مان تھیں رولا ایہہ پاؤندا سی
کم ظرف کمزوری جتاؤندا سی
مرے نال چل دیکھ اکساؤندا سی
کافر آکے روز ستاؤندا اے
کم بخت ازماؤنا چاؤ ہندا اے
آکھے ہن تے جاویں ضرور او تھے
بے شعوریاں دا ہے فتور او تھے
کیویں ملے گا اہدا غرور او تھے
بت کردیاں گا چور چور او تھے
چلن واسطے جدوں تکرار کیتی
آمین جس گھڑی سرکار کیتی
پہلے میں اعلان کراؤنا ایں
مکے والیاں تا نئیں سناؤنا ایں

ترے رب دی شان اچ دیکھنی ایں
کھنہ کر کے اہل قریش تائیں
مرے آقا نے منگی دعا مولا
حکم ہويا کہ سوہنیا غم ناں کر
دنیا جان دی اے بت کدے اندر
لتر منہ تے پئے انج منکراں نوں
ابو جہل ہويا داخل جس ویلے
رکھیا قدم حضور نے جدوں ناصر



کون آیا اے شجر انسان یارو
مرحبا جی آیاں نوں آکھنے لئی
سارے کیڑے مکوڑے نے سجدیاں وچ
صورت سیرت نوں کھنہ کر کے تے
پہلی نظر دے نال حبیب مرے
ناصر کیہ دسان لعل آمنہ دے



ترے ذکر اچ نگھ جائے پل جیہڑا
ترے عشق اچ سوہنیا مٹ جانا
ذکر و فکر ہے ترا سکون میرا
تری پاک نعلین بے لہجہ جاوے

کملی والیا-ایہو تے زندگی اے
ایہو فقر تے ایہو قلندری اے
مرے واسطے ایہو تو نگری اے
ناصر واسطے تاج سکندری اے



مولا میریا ارزو ہے میری بس اک رات مدینے بسر ہووے
 ہووے رات اوہ آخری زندگی دی قدماں وچ سرکار دے سر ہووے
 ادھر موت دا ملے پیام مینوں ادھر سامنے آقا دا در ہووے
 جنت ملے نہ ملے پرواہ کوئی نہیں ناصر میری مدینے قبر ہو جاوے



سوچنے آقا لہجہ حضور سرور مرے اتے ایہہ کرم کما چھڈو
 چھٹی بھیج کے بوہے تے آؤنے دی آقا میری ایہہ تاہنگھ مکا چھڈو
 کاش مراں مدینے دی جوہ اندر کاش حکم ایہہ تسی فرما چھڈو
 ہے ایہہ ناصر دیوانے دی لاشی لوکو مرے دیس اچ اینوں دفنا چھڈو



اللہ پاک نے رخ حبیب تائیں سچا صاف آئینہ بنا چھڈیا
 مہکاں پھلاں نوں دین لئی رب سچے اہدا نوری پسینہ بنا چھڈیا
 صدقے جاواں کریم دے کرم اتوں ذرہ ذرہ گنہ بنا چھڈیا
 پھیرا پایا حضور نے جدوں ناصر سینے سینے مدینہ بنا چھڈیا



پارہ ویہی واں کلام مجید اندر سورہ نمل چ رب اعلان کیا
 جو کچھ ہے محبوب زمین اندر جو کچھ پیدا میں وچ اسمان کیا
 لے کے فاتحہ کولوں والناس تیکر تیرے لئی تخلیق سامان کیا
 دوہاں عالماں دا سارا غیب ناصر اہدے وچ ہے سارا بیان کیا

پارہ پنجواں سورہ نساء اندر ذرا دیکھ ارشاد خدا کیتا
جو دی توں محبوب نہیں جان داسیں سارا علم اوہ تینوں عطا کیتا



ہادی آقا رحیم کریم آئے نور و نور اج وادیاں ہو گئیاں
کعبہ جھکیا جشن مناؤنے لئی بتاں دیاں بربادیاں ہو گئیاں
لکھ لکھ تینوں حلیمہ مبارکاں نہیں تیرے گھر آبادیاں ہو گئیاں
سب توں اول سی آیا اخیر اتے گلی گلی منادیاں ہو گئیاں
سوہنا آیا تے آئی بہار پہلی یارو کیف دیاں چھلاں آ گئیاں
اہدے آون دیاں برکتاں دیکھ ناصر گواں پتھراں نوں گلاں آ گئیاں



سرمہ مازاغی دا اکھیاں وچ المزل سراج المنیر وی اے
داعی الی اللہ دی شان والا غیب دان حبیب قدیر وی اے
پچھتاہیں اہدی مثال رسول جیہڑا بے مثال وی اے بے نظیر وی اے
عربی ہاشمی امی امام ناصر سب توں اوّل وی اے تے آخر وی اے



سوہنا آیا تے سعدیہ دائی دیاں حوراں بنا کے چیلیاں آ گئیاں
بی بی آمنہ نوں نوشیروان دیاں نظر محل حویلیاں آ گئیاں
خدمت واسطے مکے وچ آمنہ لئی سارہ جہیاں سہیلیاں آ گئیاں
جھر مٹ پایا اے رحمتاں انج ناصر دوزخ تائیں تریلیاں آ گئیاں



جدھر دیکھو ہے رم جھم رحمتاں دی
حوراں پریاں سوہنے دے حسن دیکھو
نور مصطفیٰ دیاں جولانیاں نے
ناصر دوزخ دا ڈر کیوں رکھناں ایں

رحمتاں سوہنے سولیاں کر چھڈیاں
مست کملیاں جھلیاں کر چھڈیاں
ارزاں عام تجلیاں کر چھڈیاں
رو رو سوہنے تسلیاں کر چھڈیاں



اوندے رہے زمانے وچ نبی پہلے
اقصی اندر مصلے تے نبی میرا
دورے واسطے اون وزیر پہلے
ناصر آئے غلام سجان دیا

آئے ساریاں کولوں سرکار چھپے
اک لکھ تے کئی ہزار چھپے
اوندا ساریاں دا شہر یار چھپے
جدوں سچ گئی آیا سردار چھپے



اتھے اچے تے سچے نے رنگ سارے
ترا سوہنیا رنگاں چوں رنگ سوہنا
چھاپاں چھلیاں مہدراں گہنیاں چوں
تیرے کرم دا ناصر نوں نہیں شکوہ

رنگ رنگ اندر تیرا رنگ جاپے
باقی رنگ رنگ وچ مینوں بھنگ جاپے
سوہنی عشق حبیب دی ونگ جاپے
دامن اپنا ای مینوں تنگ جاپے



سانوں دوہاں جہاناں وچ غم کاہدا
سانوں دیکھ کے مشکلاں کمبندیاں نہیں
کامیابیاں حمدیاں پیر ساڈے
زندہ باد دا لا دیو سب نعرہ

جس دے امتی ہاں ساڈا نبی زندہ
ساڈا پیر سوہنا مولا علی زندہ
ناصر ہے ساڈا غوث جلی زندہ
ساڈا نبی زندہ ساڈے ولی زندہ



جس نماز اچ آوے نہ یاد تیری
تیرے سوہنے خیال دے باہجھ آقا
تیرے نام باہجھوں کوئی کم اتھے
ناصرنت سورج اہدے حکم باہجھوں

نہ سجود ہندا نہ رکوع ہندا
نہیں حق دے نال رجوع ہندا
نہ ای ختم ہندا ناں شروع ہندا
ناں غروب ہندا ناں طلوع ہندا



رب عالم نے ہے سی اعلان کیا
کٹھ کر کے تے روحاں ساریاں نوں
واحد ہون دا اج اقرار لے کے
ہندو مسلم عیسائیاں یہودیاں دے
کٹھی ہو گئی جدوں مخلوق ساری
سجدے ریز ہو کے اوٹھے ساریاں نے
دوجا حکم خدا نے فیر دتا
پہلے اپنا لیا اقرار ہے سی
آدم نوح خلیل کلیم یوسف
جیہدے لئی تخلیق جہان کیا
عرض کیتی جبریل نے یا مولا
فرق محفل تے جلسے وچ کیہ اے
حکم ہويا کہ سن جبریل میرے
محفل ہندی اے خاصاں دے بیٹھنے لئی

دیہاڑے کن دے آؤ اجلاس کریے
کہیا رب نے بل اک پاس کریے
ایناں سمجھناں دا دور و سواس کریے
پیدا دلاں دے اندر احساس کریے
واحد ہون دا رب اظہار کیا
توں ایں رب ساڈا ایہہ اقرار کیا
میں جبریل اک محفل سجان لگاں
اج میں یار دی شان دکھان لگاں
عیسیٰ اتے داؤد بلان لگاں
اہا آج میلاد منان لگاں
کدی محفل تے کدی اجلاس کھنائیں
کہیڑے دکھرے بل ہن پاس کرنائیں
گل عام دا جلسہ عام ہندائے
دکھرا پاکاں دے لئی انتظام ہندائے

محفل خاص اچ او ناں نوں سدیدی والے
 عام عام ہوندے خاص خاص ہندے
 ناصر محفل رسالت مآب دی اے
 بات خاصاں دی عاموں نوں دسیئے ناں



مرے نبی دا اچا مقام سب توں
 دم ٹٹ گئے سارے تخیلاں دے
 جے میں دیواں مثال تے ڈراوندائے
 اہدی عمر دا کرے حساب کھیرا
 بنی کن دے نال ہر چیز استھے
 ناصر سوہناتے اودوں وی نبی ہے سی



اس جمیل توں ہر اک جمال تھلے
 اہدے کولوں میں سارے خیال تھلے
 کیوں جے اوہ اچا تے مثال تھلے
 اہدی عمر کولوں ماہ و سال تھلے
 پہلے کوئی موصوف اوصاف نہیں سی
 بنیاں کن داوی اے کاف نہیں سی



نبیہ حسن دا لڑکا حسن ملا
 ۲۳ صفحہ ایہہ ہب انسیم دا اے
 تاجر ہے سی اک بلخ دے شہر اندر
 جس دم پائی وفات اس شخص یارو
 سنے مال و متاع اہدے تر کے وچ
 چھپے باپ دے لڑکے دو اہدے
 سارا ترکہ جدوں تقسیم ہویا
 اک اک وال سی دوہاں نے جدوں وٹھیا
 وڈا بھائی سی چھوٹے نوں کہن لگا
 اوس موئے مبارک نوں کر ٹکڑے
 چھوٹے بھائی نے دتا جواب اونہوں
 غیرت میرے ایمان نوں آوندی اے
 وڈے بھائی نے کہیا میں سمجھ گھیاں
 اپنے حصے دا سارا ای مال دے دے
 تیجا وال تیرا سارا مال میرا
 پتہ لگ جائے دے کے مال آوے
 چھوٹا بھائی حضور دے وال نائیں
 جھوم جھوم کے پڑھے درود نالے
 تھوڑے دن گزرے اے جے سن یارو
 گھٹن لگ پیا مال منال اہدا
 فاضل دیوبند ایہہ تحریر لکھدا اے
 گل پتے دی اوہ بے پیر لکھدا اے
 ہے سی بڑا امیر کبیر لکھدا اے
 مکدی گل اوہ ایویں اخیر لکھدا اے
 تن نبی کریم دے وال ہے سن
 وٹھن لگ پئے جدوں اوہ مال ہے سن
 تن وال حضور دے رہ باقی
 اک وال دا رولا کیا پئے باقی
 جیہڑا وال شریف اک ہے باقی
 ادھو ودھ کر کے لیئے لے باقی
 بری گل اے ہو نہیں دو سکدا
 تیجا وال نہیں ٹکڑے ہو سکدا
 بڑا وال دے نال ہے پیار تینوں
 چنگی نہیں لگدی جے تکرار تینوں
 چنگا دساں میں یار و پار تینوں
 لے کے موئے مبارک قرار تینوں
 لے کے اکھاں دے اتے لگاؤندا اے
 وچ سینے دے ٹھنڈ پیا پاؤندا اے
 دولت ول ہے سی جیہڑے بھائی ڈٹھا
 بلخ وچ ایہہ منظر خدائی ڈٹھا

رنگ لگ گئے دوسرے بھائی تاہیں
صدقہ وال دا چوگنا نفع ملیا
سچا خادم حضور دا سی جیہڑا
داعی اجل دا آ گیا سد اونہوں
کامل ولی اک رہندا سی بلخ اندر
حاجت ہووے کوئی جنہوں حضور بولے
مشکل ہووے گی اوس دی حل فوراً
اوندے رہو فقیراں دے بوہے اتے
راوی کہندا اے اوہدے مزار اتے
وڈے وڈے امیر سواریاں توں
ہے سی وال دا جنہوں شیدائی ڈٹھا
فیض اہدی ایہہ وچ کمائی ڈٹھا
روشن اوس دی یارو برات ہو گئی
تھوڑے دناں وچ اہدی وفات ہو گئی
اونہوں خواب اچ خیرالوری آ کے
ایدی قبر تے منگے دعا آ کے
گردن دیوے کوئی اتھے جھکا آ کے
دتا حکم حبیب خدا آ کے
دکھ سارے جہان دے مک دے سن
ناصر اتر کے قبر تے جھکدے سن



تینوں پتہ کیہ زلف دے پیچ دا توں
تیرے ولے نہیں یا محبوب ڈٹھا
ناصر اونہوں وصال دی قدر کیہ اے
کیہو جہیا محبوب سوں رب نوں پچھ
اہدی زلف خم دارنوں ویکھیا ای نہیں
یا توں دلدار نوں ویکھیا ای نہیں
جسے ہجر دی نار نوں ویکھیا ای نہیں
اے توں سرکار نوں ویکھیا ای نہیں



آتینوں محبوب دی شان دساں
یاری اچیاں دی اچا کر دیندی
پلے بنھ سرکار دا پیار اتھے
ناصر ایویں نہ عشق دا کریں دعویٰ
گل دوستا تھل یا کچھ دی نہیں
چڑھدی توڑ یاری کسے پیچ دی نہیں
چن ایہہ دنیا تیرے پیچ دی نہیں
تینوں خبر اس عشق دے پیچ دی نہیں



جے اوہ چاہوے بھکاری ول آ جاوے
تک کے اوہدی بیماری ول آ جاوے
ناتوان اسواری ول آ جائے
کلی ویکھ انصاری ول آ جاوے

جے نہ آوے تے بادشاہ رہن سکدے
جے اوہ چاہوے بوسیری تے خوش ہوکے
ہے ایہہ سوہنے دی موج کہ سعدیہ دی
چھڈ کے محلاں نوں طیبہ دے وچ ناصر



غیراں واسطے اوہلا ایہہ میم دا اے
نسخہ عرب دے وڈے حکیم دا اے
اہدے کول اختیار تقسیم دا اے
ناصر حوصلہ در یتیم دا اے

اکھاں والیاں سوہنے چوں رب ڈٹھا
چادر نال بوسیری نوں صحت دیوے
بناں شک ہر چیز خدا دی اے
دیکھے رب نوں جھمکے رکھ نائیں



جسے رحمت دا چھٹہ اوہ ماریا اے
کائنات دا بخت سنواریا اے
پورا سال ترسھ گزاریا اے
اجڑ دائی حلیمہ دا چاریا اے

صدقے جاواں محبوب دی شان اتوں
دتیاں بخش جاگیراں سوالیاں نوں
دس سیرتے اک من جو کھا کے
ہو کے دوہاں جہاناں دا شاہ ناصر



طیبہ شہر چوں خاک منگائی جاوے
تاں جے قبر اچ ہو روشنائی جاوے
میرے گل وچ دوستو پائی جاوے
میت میری اجمیر دفنائی جاوے

کوچ کراں میں جدوں اس دنیا توں
کجلا سمجھ کے اکھاں وچ پا دیناں
تختی غوث جیلانی دے نام والی
ایہو ناصر دی آخری ہے خواہش



دیہاڑے حشر دے جنہوں کریم مرے
اہدا کسے ضمانتی ہوؤنا نہیں
تالے لبائے عمل کردار سب دا
ناصر اوہنوں ای جنت دانکٹ ملنا
اپنا کہنیاں ایں اہدی ای جھوٹ ہوئی
جس دے دل وچ ذرا وی کھوٹ ہوئی
ہتھیں نامہ اعمال تے نوٹ ہوئی
جہدے ولے سرکار دا ووٹ ہوئی



اوس ویلے نوں کر لے یاد ترے
جے راہداری بغداد چوں ملی تینوں
ثابت رہیوں جے وقت آزمائش دے توں
ناصر جسے حضور نوں ویکھیا مائے
جدوی موت آویہڑے وچ ڈھکناں ایں
تیرے اگے فرشتیاں جھکناں ایں
رولا فیر مسافرا مکناں ایں
اوہنے فیر شراب تے تھکناں ایں



سورج ویکھ لو لے جیکر نور اہدا
جتنے پھیرا رسولاں دے شاہ پایا
جے اوہ بولے تے بول کائنات اٹھے
ناصر سوہنا جے الٹ نقاب دیوے
نکلے کدی نہ انج روپوش ہو جائے
اوتھوں خزاں وی خانہ بدوش ہو جائے
اہدی چپ تھیں زمانہ خاموش ہو جائے
قیامت تیکر جبریل بے ہوش ہو جائے



ایدی انگلی مبارک دی شان ویکھو
امت اتے احسان حضور دا اے
ایہو اصل اصول اے عاشقی دا
ناصر جدھروی چہرہ اوہ پھیر دیوے
جدوں اٹھے چن فلک دا جہر جاندا
اٹھاندے نے جدوں کوئی گر جاندا
جدھر دل جاوے ادھر سز جاندا
ادھر کعبہ زمانے دا پھر جاندا



دلبر دے گیا درد دیدار والا
دم دم دیواں دلا سڑے دم تائیں
ممن دامن دے باہجہ نہیں ممن موہنا
ناصر ممن من ٹھارنوں پیش کر دے



کامیابیاں دا کامرانیاں دا
جے اوہ آوے خزاں وی بہار جا پے
لوہ وی غلط کہندے جیہڑے آکھ دے نہیں
ناصر دوہاں جہاناں دی کامیابی



اہدی یاد دے اندر جو گزریا نہیں
غیراں ولے ہے جیہڑا پرواز کردا
سوہنے باہجہ کمال کمال ہے نہیں
عربی ڈھول دے بوہے دے باہجہ ناصر



جے توں کسے دا ہو یا نہیں اے تائیں
بے بندگی زندگی بھٹھ پائیے
سینے وچ جے ادب حضور دا نہیں
ناصر فوراً مدینہ میں کہہ دیناں

نہ ہے آدمیت نہ ایہہ زندگی اے
ایسی زندگی صرف شرمندگی اے
پھر انسانیت وی درندگی اے
جے کوئی پچھے کہ تینوں پسند کی اے